


ଓଲିଙ୍ଗ ପାଞ୍ଜଳୀରୁଦ୍ଧିତ

# ପଦମ ଶର୍ମିଷ୍ଠମା

(ପାଞ୍ଜଳୀରୁଦ୍ଧିତ)

କବିତା ପାଞ୍ଜଳୀରୁଦ୍ଧିତ  
ପାଞ୍ଜଳୀରୁଦ୍ଧିତ

1937



იონა ელიაზოვის

# ნანახი და განაგონი იღიას ცეკვაებირა

სოლ. ვაიშვილის  
რედაქციით და შენიშვნებით.

4544



სამსახურის გუნდი

თბილისი

1937

ტექნ. რედაქტორი  
კორექტორი } უ. ჯავახიძე

მთავლიტის რწმ. № 10514

შეცვეთის № 1613

ტირაჟი 3.000

საქ. კ. პ. (ბ) ც. ჭ. გ-ბა „ზარია ვლატოვას“ სტამბა



„ილია გრიგოლის - ძე შეგხავაძე — ჩართველი მფლიონი  
და საქართველოს მ-19 საუკუნის მიორე ნუკლის ნაცო-  
ნულურ-რევოლუციური გოძრაობის უძლესად პოპულარუ-  
ლი საზოგადო მოღვაწეა“.

(გაზ. „პრავდა“ 1936 წ. № 244)

## ნინასიზყვაობის მაგიერ

წინამდებარე წიგნი — „ნანახი და განაგონი თლიას ცხოვრებიდამ“ ხელნაწერის სახით ინახებოდა მწერალი იონა მეუნარგიას არქივში, რომლის შემთხვევი ნაწილი დაცულია სამეგრელოს მხარეთ-მცოდნეობის მუზეუმში.

მუზეუმს განზრახული აქვს იონა მეუნარგიას შველა. საარქივო მასალის შეკრება და აგრეთვე მისი ცხოვრებისა და მოღვაწეობის კაბინეტის მოწყობა.

მუზეუმი თავიდანვე ისახავდა მიზნად გადაერჩინა დაღუპვისაგან სამეგრელოს ყოფილი მთავრის სასახლეში და სოფლად ოჯახებში გაფანტული ჩვენი კუთხის ძველი ყოფა-ცხოვრების კულტურისა და ხელოვნების დამახასიათებელი ნაშთები, კლასობრივი ურთიერთობის მაჩვენებელი ექსპონატები და სხვ.

ამ ხრით ბევრი საყურადღებო მუშაობა შემდგრადებულია.

გარდა სხვადასხვაგვარი ნივთის და საყოფა-ცხოვრები ექსპონატებისა მოპოვებულია დიდმალი კლექტია როგორც ისტორიული ისე წინაისტორიული ეპოქების ყოფა-ცხოვრების დამახასიათებელი სხვადასხვაგვარი ნივთები, არქეოლოგიური ნაშთები, ისტორიულ პირთა და გამოჩენილ ქართველ მწერალთა და საზოგადო მოღვაწეთა სურათები, ხელნაწერები, და სხვა საარქივო მასალები.

დღემდე არ ხდებოდა ამ მასალების დამუშავება და ფართო მასებში პირდღარიზაცია. დღეს კი, როდესაც მსოფლიო მუშათა კლასის საყვარელი ბეჭადის დიდი სტალინის ხელმძღვანელობით გარ-

ტაისა და ხელისუფლების მიერ ფართოდ იქნა გა-  
შლილი ფრონტი—ისტორიის, კლასიკოს მწერალთა  
მემკვიდრეობის და საერთოდ კულტურისა და ხელო-  
ვნების მოღვაწეთა შესწავლისათვის ბრძოლაში, საქ-  
ა. პ. (პ) ზუგდიდის რაიკომმა სადირექტივო დრგა-  
ნოების მითითებათა საფუძველზე, მუზეუმის წინაშე  
დასახა მთელი რიგი ამოცანებისა, პირველ რიგში  
დამუშავება და გამოცემა მუზეუმში დაცული საარქივო  
მასალებისა.

ამ მასალებს შორის თვალსაჩინო მნიშვნელო-  
ბისა და ისტორიული ღირებულებისაა: წერილობითი  
დოკუმენტები, მოგონებანი და ფოლკლორული მა-  
სალა კერძოდ, უტუ მიქავას ძეთაურობით სამე-  
გრელოს გლეხთა აჯანყების შესახებ 1857 წ. და-  
იონა მეუნარგიას ეს აღნიშნული არქივი, რო-  
მელიც შეიცავს უმთავრესად ქართველ მწერალ-მო-  
ღვაწეთა ბიოგრაფიულ მასალებსა და მიწერ-მოწე-  
რას შათთან.

ამ არქივებში ბევრი ისეთი მასალები მოიბრვე-  
ბა, რომელიც დღემდე არ გამოქვეყნებულა და მკი-  
თხველი საზოგადოებისათვის უცნობია.

ამ მიმართულებით მუზეუმმა უკვე გადადგა-  
ნაპიჯები. პირველ ნაპიჯია ი. მეუნარგიას ხელნა-  
წერებიდან გამოცემული: „ალექსანდრე ჭავჭავაძე“  
და ეს წიგნი—„ნანახი და განაცხი ილიას ცხოვრე-  
ბიდამ“, დრიკ სოლომონ ცაგშვილის რედა-  
ქციით და შენიშვნებით.

დახასულია აგრეთვე შემდგომი მუშაობის გეგმა  
—მუზეუმში დაგროვილ დოკუმენტურ, ფოლკლორუ-  
ლი მასალებისა და პირველ რიგში იონა მეუნარგიას  
არქივში დაცულ ხელნაწერების სრულად გამო-  
ცემის შესახებ.

## რაგდენიშვილი

უისაც ი. მეუნარგიას შრომები (ვგულისხმობ მწერალთა ბიოგრაფიებს) წაუკითხავს, გაეცნობოდა, თუ რა დაწვრილებით გადაალაგებდა ხოლმე ის ქალალდებე იმ ფაქტებს, რომლებიც მას ამათუმ მწერლის შესახებ ჰქონდა დაგროვილი თავისი უბის წიგნაკში, როგორც თვითონ უწოდებს, „სამახსოვრო წიგნში“.

საფრანგეთის მე-19 საუკუნის კულტურაზე აღზრდილმა, საფრანგეთის უდიდესი მწერლის ვ. ჰი უგოს მეგობარმა ი. მეუნარგია მ სამწერლო ასპარეზზე გამოსვლისთანავე, გარდა „ვეფხისტყაოსანზე“ მუშაობისა, ეს სრულიად უცხო და ჩვენი სალიტერატურო ცხოვრებისათვის მეტად უჩვეულო დარგი — მწერალთა ბიოგრაფიების კვლევა აირჩია. ქართულ მწერლობაში ასეთი ტრადიციაც კა შემუშავდა: თუ რომელიმე მწერლის სრულ თხზულებათა გამოცემა განისახებოდა, ბიოგრაფიის შედგენისათვის უსათუოდ იონას მიმართავდნენ, რის დასადასტურებლად არა ერთი და ორი პირადი ბარათი მოიპოვება მის არქივში — ამადამ მწერლის თხზულებას ვსცემთ, ბიოგრაფიის შედგენა თქვენ დაგვეალათო და სხვა (მაგალ., ნ. ბარათაშვილზე, ი. მაჩაბელზე, გ. ქალადიდელზე ვ. ორბელიანზე და სხვ.).

ეს ხელნაწერი „ნანასი და განაგონი ილიას ცხოვრები დიდამ“ ილიას სრულ ბიოგრაფიას არ წარმოადგენს; ეს უფრო მასალაა ბიოგრაფიისათვის — მეტად ძვირფასი, უტყუარი და საინტერესო მასალა, რადგან მეუნარგია მისებური სიდინჯით „ნაქუჩებ“ ფაქტებს თავისი „სამახსოვრო წიგნიდამ“ გვაცნობს. თვითონაც ხომ ამბობს „....მე აქ ილიას ცხოვრებას არა ვწერ, ილიას ცხოვრების მასალას ვაქუჩებ, რომელიც ან თითონ ილიასაგან გამიგონია, ან მის თანამედროვეთაგან მცმენია, ან თითონ ჩემის თვალით მინახავს და ამიტომ ჩემს ნანახს და განაგონს ილიას ცხოვრებიდამ მე აქ მხოლოდ დაასლოებით ქრონოლოგიურად, მაგრამ მაინც უსისტემოდ ვწერ. მე ხომ

შეწვრილმანე ვარ ქართულის მწერლობისა და თუ ჩემგან შეკრებილის წერილმანებით მე თქვენ ილიას სურათი, ზოგიერთ შემთხვევაში მაინც, ნათლად დავანახეთ, ჩემს ვალს ქართულს მწერლობაში მოხდილად მივიჩნევ“ - ო.

ასეთი „წვრილმანები“ საკმაოდ მსხვილ ღირებულებათა შემცველია მწერალთა ცხოვრების შესასწავლად. აქ ჩვენ ვნახავთ ილიას სტუდენტს, სახოგადო მოღვაწეს, სახელმწიფო მოხელეს, ბანკის თავმჯდომარეს, მემამულეს, რედაქტორს; ილიას ოჯახში, შინაურობაში; ილიას ხასიათს და სხვა, რაც არ შეიძლება კარგად არ ცოდნოდა ი. მეუნარგიას, როგორც ილიას გაზეთის „ივერიის“ უახლოეს თანამშრომელს (რაც ჩანს ილიას იმ კერძო წერილიდან, რომელიც მას ი. მეუნარგიასათვის მიუწერია 1885 წლის 20 დეკემბერს. წერილი იხ. მე-33 გვ.) და ქართველთა შორის ჭ.-კ. გამ. სახ-ბის მდივანს.

სამწუხაროდ, მასალა ილია - პოეტზე, მწერალზე, ამ მოგონებებში მუნწადას წარმოდგენილი, ხოლო ილიას მსოფლმხედველობაზე სრულებით, არაფერია ნათქვაში.

ი. მეუნარგიას არ უყვარდა ყურმოკრულის, საეჭვო ნათქვამცს და განაგონის ერთთავად დაჯერება და ჩაწერა, გავრცელებულ შეხედულებათა შეუმოწმებლად მიღება. მწერალს პირადად ეცნობოდა, უახლოვდებოდა, მის ცხოვრებას კვალდაკვალ სდევდა, ამისოვის ყოველ წუთში მხად ჰქონდა უბის წიგნაკი და ფანქარი. მწერლის ყოველ შეხვედრას იყენებდა, არც ერთ წუთს არ ჰკარგავდა უშედეგდდ, თუ რას იტყოდა ესათუის მწერალი ამათუიმ საკითხე პიროვნებაზე, ნაწარმოებზე, თავის-თავზე თუ სხვა რამეზე და როგორ იტყოდა, რამდენად მნიშვნელოვანი და სახოგადოებრივი ხასიათის მატარებელი იქნებოდა ეს თქმა, რა ფორმებში გამოხატავდა მას მთქმელი და სხვ. ყველაფერი ეს იმ ნახსენებ „სამახსოვრო წიგნში“ შედიოდა, იქ იწერებოდა, ყალიბდებოდა, ზოგს ნაკვესის, ზოგსაც მომხდარი ფაქტის სახე ეძლეოდა, და ამგვარად მდიდრდებოდა და ივსებოდა ეს წიგნაკი.

„ნანაწი და განაკონი“ არსებითად მოგონებაა ილიაზე, როგორც ამას თვითონ მეუნარგია უწოდებს და არა ბირგრაფია. ილიას ბიოგრაფიის შედგენა მას განზრაბული ჰქონდა „შემდეგში, როცა მე მივყავი ხელი ორბელიანის, ბარათაშვილის, ტ. ერისთავის და სხვათა

ცენოვრების აღწერას. მე ყოველ შეყრაზე ილიას უყურებდა, როგორც  
მსხვერპლს, „მუშტის თვალით“, და როცა იმისაგან მოუდიოდი შინ,  
მის ნალაპარაკევს ეწერდი ჩემს „სამარსოვრო წიგნებში“,—წერს  
თვით ი. მეუნარგია ამავე შრომაში. ცხადია, აქ გამომედავნებულია,  
რომ მას განხრაზული ჰქონდა ილიას ვრცელი ბიოგრაფიის  
შედგენას სამისოდ დაგროვილი ჰქონდა: შასალა, პირველი წყაროები,  
რომლებიც მის სამახსოვრო წიგნებს ამშვენებდნენ და რომლებიდანაც  
მან სახელდახელოდ ამოსწერა ჩვენ წინ მდებარე ფურცლები, მო-  
გონებათა საჩით ქუთაისში გამართულ ილიას საღამოზე წასაკა-  
თავად. დანარჩენი, რაც ბიოგრაფიისათვის სისრულის მიმცვე  
მად, მისთვის აუცილებლად და დამამშვენებლად მიაჩნდა,  
როგორც თვითონ აცხადებს, დასტოცა იმ სამახსოვრო წიგნაკებში,  
რომელთა კვალი გარდა თითო-ოროლა გვერდის ნაფლეთისა, მის.  
არქივში (რომელიც სამეგრელოს მუზეუმშია დაცული), არა ჩანს

ხელნაწერი, როგორც თვით ავტორის ხელით სქოლიოდ მი-  
ნაწერი გვაცნობებს, წაკითხულია მოჩხენებად ფოთსა და ქუთა-  
ისში 1903 წელს ილიას საღამოზე.

ცადია, ეს ის ხელნაწერი ან ლექცია, რომელსაც შემდეგ  
ა. გ. ვ. გ. ე. ბ. ა. შ. ვ. ი. ლ. ი გამოიხმაურა პრესაში და თავისი რჩეული  
წაწერების პირველ ტომშიც კი შეიტანა: „ილიას ცეორედ მოკვლის  
გ. მ. წ. რ. ა. ხ. ვ. ა. —სა და „მეუნარგიას ჭორები ილიას შესახებ“-ის სათაუ-  
რებით. თუ რამდენად არის ჭორები ამ მოგონებაში მოყვანილი ფაქ-  
ტები, ამას მიუდკომელი და დაკვირვებული მკითხველი იტყვის,  
როცა ი. მეუნარგიას ქვემომოყვანილ მოგონებებს გაეცნობა.

როგორც ვთქვით, ეს მოგონებანი მეუნარგიას 1903 წ. 27  
ოქტომბერს ქ. ქუთაისში გამართულ ილას საღამოზე წაუკითხავს.  
აღნიშნული საღამო კორესპონდენტის გახეთ „ალში“ გაუშუქებია. ამ  
კორესპონდენციის საფუძველზე ჩვენს დადს პედაგოგს და საზოგადო  
მოღვაწეს ი. გ. ვ. გ. ე. ბ. ა. შ. ვ. ი. ლ. ს მეტად მკაცრი წასიათის სტატიები  
დაუწერია,\* საცა იგი დიდ გულისწყრომას გამოსთქვაში მისი ძვე-  
ლი მეგობრის იონა მეუნარგიასადმი (ხელთა გვაქვს ი მეუნარგიას  
და ი. გოგებაშვილის მიწერ. მოწერიდან რამდენიმე ბარათი, საიდა-  
ნაც მათი მეკობრული ურთიერთობა ირკვევა).

\* იხ. ამ წიგნის დამატება გვ. მე-55--58

ი. გოგებაშვილს, რომ შემთხვევა ქონოდა უნარგიას ამ რეცეფტის მოსმენისა ან წაკითხვის, მის ასეთ აღმფოთებას ადგილი არ ექნებოდა. რაც გოგებაშვილს მეუნარგიას ჭორებად მიაჩნია, არსებითად ჭორესპონსი და მიაჩნია, არსებითად ჭორების ჭორებია რასაც ილია ჭავჭავაძის პიროვნებისადმი თაყვანისცემით. გატაცებული ი. გოგებაშვილი შეცდომაში შეყავს. ამას ადასტურებს თვით გოგებაშვილის შემდეგი სიტყვები: „რუსეთსა და ევროპაში ჩვეულებად აქვთ:—გამოჩენილი მწერლების შესახებ არ გამოაქვეყნონ ნათი კერძო ცხოვრების ნაკლულევანებანი“-ო და მოყავს მთელი რიგი უარყოფითი ფაქტებისა, ისეთი დიდი ადამიანების კერძო ცხოვრებიდან, როგორიც არიან: კრისტოვი, პუშკინი, ლერმოზოვი, ბაირონი და სხვ.

გოგებაშვილის ეს სიტყვები მისივე დებულებას საჭინააღმდევჲო მოსახრებას ადასტურებს; აბა საედან გაიგებდა ი. გოგებაშვილი აქ მოხსენებულ დიდ ადამიანთა იმ უარყოფით მხარეებს თუ კი ისინი გამოუქვეყნებელი იქნებოდა?

გოგებაშვილი ხომ თვითონ ამტკიცებს: ილია, როგორც ჭიუიანი და დინჯი ადამიანი ბანქოში ფულს არ აგებდა, არამედ იგებდაო. მაშასადამე, ილია ბანქოს თამაშობდა და იგებდა თუ არა, ეს არავისთვის იყო საინტერესო. მეუნარგიაც ხომ ამ ფაქტების აღმნუსველია, როგორც თვითონ ამბობს „წვრილმანების“ შემკრებია, ილიას ცხოვრებიდან ნანახისა და განაგონის, ქრონოლოგიურად მაგრამ მაინც უსისტემოდ მომქუჩავებელი. ი. მანსვერაშვილმა<sup>\*</sup> და კოხტა აფხაზმაც<sup>\*\*</sup> ხომ ეს ფაქტები აღნიშნეს თავიანთ მოგონებებში. ამით არავითარი ჩირქი არ ეცხება მგლსნის სახელს. არც არაფერია აქ უჩვეულო გარდა იმისა, რომ საფრანგეთის ლიტერატურაში აღზრდილმა მეუნარგიამ საქართველოშიც გადმოხერგა ერთი ფრიად სიმპატიური, ქართული ლიტერატურისათვის მართლაც უჩვეულო. ტრადიცია — მწერალთა ცხოვრებისა და მოღვაწეობის აღწერა — დევიზით: „საყვარელი კაცისა ყველაფერი უნდა ვიცოდეთ“ \*\*\* და რასაცირებელია, რაც საყვარელი ილიას ცხოვრებიდან, მისი ბიოგრაფიული, ზოგიერთი წერილმანი, მაგრამ მაინც ადამიანის დამახასიათებელი შტრიხები აღნიშნა თავის მოგლენებებში.

\* იხ. მანსვერაშვილი — მოგონებანი გვ. 86, 143

\*\* იხ. „ლიტ. მემკვიდრ.“ გვ. 575

\*\*\* იხ. ი. მეუნარგია — ცხოვრება და მოღვაწეობა გრ. ორბელიანისა, გვ. 145.

საბედნიეროდ, როგორც მოსალოდნელი იყო, ამ მოგონებებში ისეთი არაფერი აღმოჩნდა, ი. გოგებაშვილის აღშტოთებას რომ შეეფარდებოდეს. ილიასადმი მეუნ არ გიას განწყობილების ამგვარი კვალი ფიკაცია უმართებულო იყო და გაუგებრობაზე აგებული.

ამ გაუგებრობის გასაფანტავად მოგონებათა კრებულს დამატების სახით ვურთავთ: მეუნარგიას მიერ წარმოთქმულ სიტყვას ილიას დასაფლავებაზე, გაზეთ „ალში“ მოთავსებულ კორესპონდენციას, რომლის ტონს უთუოდ მიხვდება დაკვირვებული მკითხველი, როცა წაწყდება გოგებაშვილის პირველ სტატიაში შემდეგ სიტყვებს: „ილია მიწასთან გაასწორაო“ გულისწყობით სტერს კორესპონდენციით ვით (ხაზი ჩემია ს. ც.) გაჟეთი „ალისა“ \* და, ი. გოგებაშვილის ორივე სტატიას.

ამით შეტი ნათელი მოეუინება ამ ორი შესანიშნავი პიროვნების დიდ ილიასადმი მიმართულ სიყვარულის ნიადაგზე აღმოცენებულ კონფლიქტის უსაფუძვლობას.

ფრიად საყურადღებო და ანგარიშგასაწევია ამ მხრით ერთი ადგილი ნ. ნიკოლაძის იმ კერძო წერილიდან, რომელიც მას (ნიკოლაძეს) ფოთიდან ი. მეუნარგიაშვილის მიუწერია (1908 წლის დეკემბრის თარიღით), სადაც, სხვათა შორის, ლაპარაკია წინამდებარე მოგონებათა კრებულზე და ი. გოგებაშვილის სტატიებზე: „...გულზე გავსკდი, გოგებაშვილის სტატია რომ წავიკითხე შენს (მეუ-

\* აღსანიშნავია აგრეთვე, რომ ამავე გაზ. „ალის“ მე-5 ნომერში დაბეჭდილია, „ილიას საღამო ბაქოში“, სადაც ვინმე დათიკო ჯაფარიძეს წაუკითხავს რეფერატი ილიას შესახებ. გაზეთი კი რეფერენტს: შემდეგი სიტყვებით ამკობს: „მის გამოსვლას არ გამოსვლა სჯობდა“... „მან სთვავა: ილიამ ბევრი დასწერა გლეხების მდგომარეობაზე და შაგალითისათვის ძლიეს მიგვითითა აქ დადგმულ დრამაზე „ბატონი და ყმა“ დადგმულა იმ საღამოს—ს. ც.)... „ილია იმიტომ მიყვარს, რომ მამულიშვილიაო, უყვარს ჩვენი ერი და იფარავს მას გარეშე და შინაურ მტრებისაგან, განსაკუთრებით შინაურ დუხშირ ადამიანებისაგან“ (კურსივი ავტორისაა)... „ამ პოლიტიკურად დაუმწიფებელ ბალლებს გონიათ, ვინც მათგან გამართულ ილიას საღამოს დაესწრება, ის უსათუოდ მათი პარტიის წევრი ხდება-ო...“ და სხვ. ყველა ეს ამეღლავნებს გაზეთის აბდაუბდურ პოზიციას ილიას სკითხში.

ნარგისა.—ს. (ც.) წინააღმდეგ. Мертвые хоронят мертвых! დაბეჭდე  
შენი ლექცია, ან დაბეჭდე პასუხი, რომ კრიტიკის მეტი ბევრი სხვაც  
რყო კეთილი ილიკოზე-თქო. ნუ მიაყრუებ ამ საქმეს, ხომ იცი, კვდრე-  
ბის ქვეყანაში ვცხოვრობთ” (ავტორის მართლწერა მოლიანად და-  
ცულია—ს. (ც)).

როგორ მიიღო ნიკოლაძის ეს რჩევა მეუნარვიამ, არ ვიცით, მაგრამ ფაქტი ასეთია: გოგებაშვილის წერილის საპასუხოდ მას არადაუბეჭდია-რა, ხოლო დაუწერია იუ არა, არც ის ვიცით, ასეთი რამ მის არქივში არა ჩანს, გარდა ერთი პატარა ჩანიშვნისა ერთერთ მის უბის წიგნაკში, სადაც ფანჯრით ჩაწერილია შემდეგი სიტყვები:

„1. გოგებაშვილის ჭორები. გავუჩუმდი. გოგებაშვილის აგენტები შინ მყავს, ჩემი მიშა, ჩემი ლილი და ყველა მასწავლებელი, ყველანი მისნი პატრიოტნი... მე მტყუანი, ის მართალი. ნამდვილად კი ეს ასე არ არის. რა იყო? ციცაკ ვოსტორგოვი სად იყო კავკა- ხიაში. ტიკოლაძის წერილი, ნუ წაიყრუებო...“

მეტად საგულისხმოა და დამაფიქრებელი ეს ნაკერ-ნაკერ მო-  
ტანილი სიტყვები. მით უმეტეს ის უბის წიგნაკშია ჩაწერილი და  
დაუმთავრებელი. როგორც ვნახეთ, ციფრი 2 ცარიელია, არც შემ-  
დეგ შევსებულა იგი. ცხადია, მეუნარების ფმძიმა გოგებაშვილისადმი  
პასუხი. იმიტომ კი არა რომ არ შეეძლო. არა. მას მეტად ძნელი  
გადასალახავი მიზეზი გადაეღობა წინ.

ამ მიზეზს ის გადმოვცემს შემდეგ სიტყვებში: „გოგებაშვილის აგენტები შინ მყავს, ჩემი მიშა, ჩემი ლილი და ყველა მასწავლებენ ლი“. მიშა და ლილი მისი უსაყვარლესი შვილები\* ცყვნენ და ვინ იცის, თუ რამდენი ასეთი საყვარელი შვილები იზრდებოდა მაში-გოგებაშვილის „დედა-ენით“ და „ბუნების-კარით“, რამდენი მოსწავ-ლე და მასწავლებელი შესტრფოდა მის დიდ ღვაწლსა და მშობ-ლიურ ზრუნვას შომავალ თაობაზე?..

ი. მეუნარგიას, როგორც ადამიანსა და მოღვაწეს, ვინც აწლოს  
გასცინობია, ის ლრმად დარწმუნდება თუ რა მიზეზი იმ თავშე-  
კავებისა, რომელიც უთუოდ იყო მწვავე და ტრაგიკული. ეს სიმწ-  
ვავე მან ახალი თაობისადმი რწმენისა და გოგებაშვილის სახელი-  
შათების თავის გულში დაცხრო და დაფერფლა.

\* ଅର୍ଥିତ୍ତ ଲାଇଲ୍‌ମ୍‌ପା. 1922 ଫି.

მისი მეუღლების ნინო მეუნარგიას გადმოცემით — შინაურულად ეს მოგონება იონას თბილისელ ნაცნობ-მეგობრებისათვისაც წაუკითხავს (გოგებაშვილი ამ წაკითხვასაც არ დასწრებია), სადაც ასეთი აზრიც კი შეაგებეს თურმე: - ცოცხალი ილია წინ დაგვიყენეთ.

ამ მოგონების — ნიკოლაძის თქმით „ლექციის“ — გამოქვეყნებისათვის ავტორს დიდად არ უზრუნვება. ეს ნათლად ჩანს თვით ამავე შრომის ხელნაწერიდან და ი. მეუნარგიას არქივში აღმოჩენილ, მწერალ არ ისტო ჭუმბაძის — მეუნარგიასადმი მიწერილ კერძო წერილიდან, რომელსაც აქვთ ვათავსებთ დამატების სახით (ნაზ. გვ. 62).

მოგონებაში აღნუსხული ფაქტები ილიას შესახებ კომენტარიებს თითქმის არ საჭიროებს. არც იქ მოხსენებულ პირთა ერთაობის ახსნა-განმარტებას ვურთავთ ცალკე, რადგან მკითხველისათვის ისინი თითქმის საკმაოდ ცნობილი პირები არიან, ხოლო თუ არის ჟინტე ისეთი, რომელიც ფართო მასაში ნაკლებადაა ცნობილი ან ფსვედონიმს არის ამონარებული, იქვე სქოლიოში მოკლედ განმარტებული გვაქს.

დასასრულ, საჭიროდ ვკანით აგრეთვე დამატების განყოფილებაში შეგვეტანა ი. მეუნარგიას უბის წიგნაკებში ნაპოვნი ზოგიერთი ჩანაწერი ილიას შესახებ და მის არქივში აღმოჩენილი ილიას მეორე წერილი მეუნარგიასადმი, როგორც რამდენიმე ახალი შტრინის შემჩანი ილიას ბიოგრაფიულ მასალებში.

შრომაში მთლიანად დაცულია ავტორის სტილი და ორთოგრაფია; თითო-ორთლა ტექნიკური უსწორობის გარდა, ჩვენს მიერ არაფერი არ არის შესწორებული.

ხოლ. ცაიზვილი.

ОГИД ОБРАЗ ОГЛАСИЛ  
СВЯЩЕННОГО ПРЕДСТАВЛЕНИЯ  
БОЖЕСТВА СВЯТОГО АЛЕКСАНДРА  
СВЯТОМ БЫБЛАОС ЧУДОВИЩЕ.

СИГИЗВАРСКИЙ ЗВЕЗДА.  
СИГИЗВАРСКИЙ ЗВЕЗДА;  
СИГИЗВАРСКИЙ ЗВЕЗДА.  
ЧИСЛО СИГИЗВАРСКИЙ?

125-75 

## ნანახი და განაგონი ილიას ცხოვრებიდან \*

როგორც იყავის, „კაცია-ადამიანის“ დამწერსაც შწერლობაშიც მარტო ილია რომ დაეძახოს მკონია არა წახდეს რა. თუ რუსულად ილია გრიგოლის-ძე ითქმის, ჩვენთვის მარტო ილია როგორლაც უფრო მოხერხებულია, უფრო ქართული.

ილია იყო ღარიბი ოჯახის შვილი. იმ დროებში, როცა ის დაიბადა (1837 წ.) ჭავჭავაძიანთ გვარში დოვლათიანი სახლი მარტო ერთი სახლი იყო, ალექსანდრე გარსევანის შვილის, საქართველოს მკონის, რომლის ოჯახისაგან გამოვიდნენ სამეგრელოს დედოფალი ეკატერინე, ნინო გრიბოედოვისა, თამარ ბატონიშვილისა — ერეკლეს მეულე, ბარონესა ნიკოლაი და სხვ. ამ დროებში „კნიაზიანთ“ ოჯახს კახეთში მარტო ალექსანდრეს ოჯახს ეძახდნენ. სხვების სიმდიდრე მარტო პური და ლვინო იყო. ილიას მამა გრიგოლიც, შექსპირის თქმისა არ იყოს, მარტო სისხლით იყო მდიდარი და არა ქონებით. მეტ-სახელად გრიგოლს პაჭუას თურმე ეძახდნენ. გრიგოლი ერთ დროს ოფიცრად მსახურობდა ნიუეგორიოდის დრა-გუნის პოლკში და რამდენადმე განათლებული კაცი იყო. დედამისი, სახელად მავდანი, იყო სომხის ქალი, ბებური-შვილის ასული.

\* წაკითხულია ილიას საუამოზე ჭუთაისში, 27 ოქტომბერს.

როგორც დავით ერისთავს, ილიასაც არაერთხელ  
სმენია მისი ხასიათის თვისების ახსნა სომხის ქალის შვი-  
ლობით.

ერთხელ, როდესაც ილია დუშეთში მომრიგებელ  
მოსამართლედ იყო და ერთს სადილზე რაღაც შემოხვე-  
ვის გამო სიტყვა წარმოსთქვა, ეს სიტყვა სხვაზე უფრო  
ერთს სომებს მოეწონა.

— უჲ, შენი ჭირიმე, კნიაზო, კარგი იმიტომა ხარ,  
რომ დედა სომები გყავსო, უთხრა იმას სომებმა.

— საკვირველია, თქვენმა მზემ, თქვენ დედაც სო-  
მები გყავს და მამაც და ასეთი თავხედი გამოსულხარ,  
მიუგო გულნაკბენმა პოეტმა.

ილიას პატარაობაზე თითონ მისგან არა ერთხელ  
გამიგონია, რომ იმან წერა-კითხვა სოფლის მთავრისაგან  
ისწავლა, რომ დედამისი სხვადასხვა მოთხრობებს და  
„ვეფხის-ტყაოსანს“ უკითხავდა იმას და სხ. მაგრამ ამა-  
ებზე მე აქ არ ვილაპარაკებ გრძლად, რადგანაც ამაზე  
თითონ მან დასწერა თავის მოკლე ავტობიოგრაფიაში.

მეთერთმეტე წელი რომ დაუდგა ილიას, ის ქალაქს  
ჩამოიყვანეს და ვიღაც რაევსკის პანსიონში მისცეს. აქე-  
დამ იმან იწყო სიარული გიმნაზიაში და რა დაამთავრა  
მერვე კლასი, გაემგზავრა პეტერბურგს—1857 წელს,  
საცა შევიდა უნივერსიტეტის იურიდიულ ფაკულტეტში.

სანამ ქალაქს ჩამომიყვანდნენ,—გვითხრა ერთხელ  
პოეტმა (გოგებაშვილთან, სადილზე), მე ხშირად მაციებ-  
და და ტყლიპი გამიდიდდა (აბსტრუქცია მქონდაო, თქვა).  
ქალაქს რომ ჩამომიყვანა მამაჩემმა, ყველა ექიმები დამა-  
სიეს, მაგრამ ვერას გახდნენ რა, მაშინ ვიღაც ერთი ფერ-  
შალი მომიყვანეს ავლაბრიდამ. კაბა ეცვა, თა ვზე კარ  
ტუზი ეხურა, ჩოფურა იყო. რომ ხატვა ვიცოდე,

დავხატავ ისე ცოცხლად მახსოვს იმის სურათი. იმან წამალი დამალევია, წამისვა ტყლიპზე რაღაც და სთქვა: თავის დღეში ამას არ გააციებსო და მართლა მის აქეთ ჩემთვის არ გაუციებიაო, გაათავა პოეტმა.

ჩვენ რომ რუსეთს მივდიოდით და კავკასიონის მთებზე ვაწყეთ ასვლა, გვითხრა სხვა დროს ილიამ, მლეთის დაშვებაზე შემოგვეყარა გრიგოლ ორბელიანი, რომელიც რუსეთიდამ ბრუნდებოდა თბილისს. გრიგოლი ფეხით მოდიოდა, ჩვეულებრივად ჟურგს უკან ხელ-შეწყობილი, პირმლიმარე, დაფიქრებული; დაშორებით მოსდევდა მას ნელის ნაბიჯით ეკიპაჟი. ჩვენ რომ დავინახეთ პოეტი თავისის ელემენტით — კავკასიის მთებით და ლრუბლით გარშემოზღუდვილი, აღტაცებით ვთქვით ურთმანეთში: სწორედ ეხლა ამ დამშვიდებულ გულზე ლექსს რასმე უწერს ამ მშვენიერს ბუნებასაო, და იმ დროიდამ დაწყებული სიკვდილამდის ილია იყო თაყვანისმცემელი გრ. ორბელიანისა.

\* \* \*

როგორც გიმნაზიაში, ისე უნივერსიტეტში ილიას ყოველისფრით განსხვავებული დრო შეხვდა. თბილისში ის რომ ჩამოვიდა პირველად, აქ ვარანცოვისაგან დანერგილს ხეს ნაყოფი გამოეღო, „ცისკარი“ გამოიცა.

ქართული თეატრი დაარსდა.

უურნალმა და დრამამ ცოტაოდნად ქართული საზოგადოება გამოაღვიძა.

თუ ეს გამოლვიძება ყველგან თვალსაჩინო არ იყო, თუ დაბლა ხალხს სულ ისევ სძინავდა, მაღლა წრეებში, განათლებულ საზოგადოებაში ქართველმა კაცმა თვალი გაახილა. ამ საზოგადოებას ლიაც უკუთვნოდა, როგორც გიმნაზიის მოწაფე.

ნიადაგი და ოტმოსფერა კარგი ჰქონდა მომავალს შეისანს, რომ ამ პირობებში მას ჩანერგოდა გულში მა- მულის და ენის სიყვარული.

ილიას რუსეთშიაც განსხვავებულ დროს შეხვდა შისვლა, როგორც ჩვენს დროში, შემდეგ იაპონიასთან წაგებულის ომისა, სულ ყველაფერი რევეზია და მიისწრა- ფის ახალის საუკეთესო ცხოვრებისადმი, ისე იმ დროს, შემდეგ ევროპის კოალიციისაგან დამარცხებისა, რუსეთი ახალის წესწყობილებისადმი მიისწრაფოდა. თავიდათავი მოთხოვნილება მაშინდელის საზოგადოების საუკეთესო ნაწილისა იყო გლეხთა განთავისუფლება.

უნივერსიტეტი სათაურში უდგა იმ დროისთვის სა- ჭირო რეფორმების შემოღების საქმეს და სწორედ მაშინ, როცა გლეხთა განთავისუფლების საქმე თავდებოდა, სტუ- დენტებმა არეულობა მოახდინეს.

ამ არეულობას მოყვა ილიას საქართველოში და- ბრუნება.

რეფორმის წინადროებში აქ ილიას ან რა ადგილის შოვნა შეეძლო თავის ცოდნისა და ჰაზრების საქმეში გამოსაყენებლად. უურნალ-გაზეთობა ჯერ საქმე არ იყო.

„ცისკარი“ კი იბეჭდებოდა, მაგრამ უურნალს მკით- ხველი არ ყავდა. დაბეჭდილ ნომრებს რედაქტორი თითონ უგზავნიდა გავლენიან, მწერლობის მოყვარე ნაც- ნობებს — გრიგოლ ლობელიანს, გიორგი მუხრან ბა- ტონს,\* მიხეილ თუმანოვს, \*\* კოლხიდელს, \*\*\* პლატონ

\* ცნობილი მემამულე. ეროვნულ საკითხის შესახებ წიგნის ავტორი. ამ პირზე ილიამ თქვა: „პირველ თქვენგანმა, იმა ბედ- შავმა მას (ერს—ს. ც.) მკვდრის სულარა გადაატარა (გოიგოლ ლობე- ლიანთან ბასუნი—ს. ც.).“

\*\* პოეტი, „ცისკრის“ თანამშრომელი „მოლაყბის“ ფსევდო- ნიმით (1818—1875). ს. ც.

\*\*\* გრ. დადიანი, სამეგრელოს უკანასკნელი მთავრის ძმა (ს. ც.).

იოსელიანს და მათი შემწეობით დიდი გაჭირვებით არ-  
სებობდა ის თითონ, მისი მესტამბები და მისი უურნალი.  
თანამშრომლებისათვის ფული არ მოეძეოდა რედაქტორს  
და არც იყო მოსალოდნელი ახლო მომავალში, რაღანაც  
საზოგადო ცხოვრების პირობები ასეთი იყო მაშინ საქარ-  
თველოში.

სამშობლოში ჩამოსულ ილიას გზაზე სვეტი დაუხვდა,  
რომელზედაც ეწერა: მარჯვნივ წახვალ ჩინოვნიკი იქნები  
და მაძლარი, მარცხნით წახვალ, მწერალი იქნება და  
მშიერი.

რომ მარჯვნივ წასვლა, ე. ი. შესაფერი აღგილის  
შოვნა არც ისე ადვილი იყო იმ დროს, ბუნებრივმა მი-  
დრეკილებამ ილია წაიყვანა მარცხენა გზით. ილიამ ჯერ  
ცოტა ხანს „ცისკარში“ ბეჭდა მისი ნაწერები და შემდეგ  
1863 წელს საკუთარი უურნალი გამოსცა „საქართვე-  
ლოს მოამბე“.

ამ უურნალში დაბეჭდა პირველად ილიამ „კაცია-  
ადამიანი“, „გლახის ნაამბობი“, „რამდენიმე სურათი  
ყაჩალის ცხოვრებიდამ“ და ბევრი სხვა ჩინებული ლექსები.  
აქვე დაიბეჭდა ნაწერები ვიქტორ პიუგოსი, პრუ-  
თონისა, ბასტიასი, ბელინსკისა და სხვ.

ახალმა უურნალმა ახალი სიტყვა გააგონა ქართველ  
საზოგადოებას. ეს სიტყვა მით უფრო დიდი მნიშვნელო-  
ვანი იყო და დროზე ნათქვამი, რომ საქართველოშიც  
მზადდებოდა ამ დროს გლეხთა განთავისუფლება — ორის  
წლის წინათ რუსეთში მომხდარი.

ახალი სიტყვა ძველებს არ მოეწონათ.

და ასტყდა ძველსა და ახალს შორის კამათი, რომელ-  
მაც რამდენიმე წლის შემდეგ გამოიწვია ილიასი და  
გრიგოლ ორბელიანის ცნობილი პოლემიკა.

ძველ თაობას არ მოსწონდა არც ილიას უურნალი  
და არც ილიას სიტყვები. ამ დროს თავად-აზნაურთა ყრა-  
ლობაზე, როგორც ქრისტეფორე მამაცოვი \* მოწმობს  
ერთს კრებაზე, საცა ილია ამტკიცებდა, რომ—გლეხი  
მიწიანად უნდა გავანთავისუფლოთო, ვიღაც თავადი იმას  
ხანჯლით თურმე მივარდა ისე, როგორც გაბრიელ ეპის-  
კოპოსს დაუბირა მოკვლა ვიღაც კანდელაკმა ქუთაისში  
იმავე ტიზეზის გამო.

\*

„საქართველოს მოამბე“ რომ გამოვიდა, ბატონი-  
შვილს ერეკლეს წაეკითხა უურნალი და ეთქვა თავისია-  
ნებში: დემოკრატიული უურნალი არისო.

სასახლის კაცს, გიგო სუმბათოვს, ამისათვის ყური  
მოეკრა, დაეხსომებია და როცა შემთხვევამ ნება მისცა,  
ეთქვა ილიასთვის:

— ილიავ, წავიკითხე შენი უურნალი და უნდა  
გითხრა, დემოკრატიჩესკი არის.

— როგორ თუ დემოკრატიჩესკი?

— ისე დემოკრატიჩესკი.

— მაშ რა გინდა იყოს?

— არისტოკრატიჩესკი.

— ეს თუნდ ბატონიშვილს ერეკლეს ეთქმის, მაგრამ  
შენ რაო ჩემო?

— ვითომ და რათაო?

— აბა რა გაქვს შენ არისტოკრატიჩესკი, აი თუ  
გინდა თავი (დიდი შნოს პატრონი არ იყო).

— თავი კი განზე იყოს, მაგრამ შენი უურნალი კი  
ჰაინც დემოკრატიჩესკი არის, განუმეორა სუმბათოვმა.

„საქართველოს მოამბემ“ ზემოთქმული მიზეზების  
გამო დიდხანს ვერ იცოცხელა. საშუალება რომ შემოაკლდა

\* სამხედრო პირი მახლობელი ნათესავი ცნობილი კონსტ-  
მამაცაშვილისა. — ს. 3.

ილიამ „საქართველოს მოამბის“ განოცემას თავი ანება. მარცხენა გზით სიარულისაგან რომ არაფერი გა-  
მოვიდა, ილია მარჯვნისაკენ გაემართა.

„ლიბერალობა ოქროს ჯაჭვზე გასცვალა“.

\* \* \*

1864 წლის დამლევს ილია გაგზავნეს იმერეთს, ქუ-  
თაისის გენერალგუბერნატორის ცალკე მინდობილობათა  
მოხელედ, რომელმაც დაავალა მას გამოერკვია რა ურ-  
თიერთობა სუფევდა მემამულეთა და გლეხვაცთა შორის,  
ბატონ-ყმობისაგან წარმომდგარი.

როცა ბატონ-ყმობა მოისპო და საგლეხო დაწესე-  
ბულებები დამკვიდრდა თბილისის გუბერნიაში (4 ნოემბერი  
1864 წ.), ილია დანიშნეს მომრიგებელ შუამავლად  
დუშეთის მაზრაში.

ამაზე უკეთესს ადგილს ილიასათვის კაცი ვერც კი  
წარმოიდგენდა. მომრიგებელი შუამავალი, კანონმდებლის  
აზრით, გლეხ კაცის მამაა, მისი „მფარველი ანგელოზი“  
როგორც ამბობდნენ იმ დროებში, როცა თანამდებობა  
არსდებოდა. კანონი იმას სდებს იაროს სოფელ-სოფელ  
და ადგილზე გაარჩიოს ნაბატონევთა და გლეხთა  
შორის მომხდარი ცილობა. ის არის ობლის პა-  
ტრონი, სოფლის მართვა-გამგეობის მეთვალყურე, მას-  
წავლებელი და მოძღვარი გლეხებისა. ილიაც სწორედ  
საამისოდ იყო დაგეშილი და მერე ის დაინიშნა მომრი-  
გებელ შუამავლად არა სადმე სომხეთში, როგორც დღეს  
არის მაგალითად, გადავარდნილი, ილია ჭყონია\*, დუტუ  
მეგრელი, არამედ თავისიანებში, არაგვის პირად, მცხე-  
თიდამ ორ ნაბიჯზე, მთიულეთს ახლო, მყინვარის კალ-

\* საზოგადო მოღვაწე, მწერალი და აუბლიცისტი. — ს. ც.

თებზე, საღაც ის ჰოვნიდა ყოველგვარ მასალას, როგორც  
მგოსანი, ენის მოყვარე, მამულის ერთგული; მარტო მთი-  
ულეთი და მისი პოეზია რად ლირდა მგოსნისთვის და  
ილიას მისი ადგილი არა სხვა სახელმწიფო სამსახურზე  
არ უნდა გაეცვალა, მაგრამ არ ვიცი რა იყო მიზეზი,  
როცა ჩვენში შემოვიდა სასამართლოს რეფორმა (1868),  
ილიამ შუამავლობას თავი დაანება და ის დანიშნულ  
იქნა დუშეთის მომრიგებელ მოსამართლედ.

მომრიგებელ შუამავლად ყოფნის დროის ამბავი შე  
არა გამიგონია რა ილიასაგან. მხოლოდ, ერთხელ, როცა  
ჩინოვნიკების ქუდის კაკარდაზე ჩამოვარდა სადღაც ლა-  
პარაკი, ილიამ მთიულების გულუბრყვილობის ნიმუშიდ  
გვიამბო, თქვენთან პატივი, ბატონებო და შემდეგი:

პოსტედნიკად რომ ვიყავი, ერთხელ ამაზდეულად  
მთიულეთს მომიხდა მისვლა, საცა კვირა დღეს ხალხი მო-  
გროვილიყო ერთს სოფლის სასამართლოში. რაღაც საჭ-  
მის გამო მე მამასახლისს ვუბრძანე დაებარებია ერთი  
გლეხი, რომელიც შორიახლო იდგა იქიდამ. მამასახლისში  
ბრძანება გზირს გადასცა. გზირი იქვე მიდგა ვანზე, და რაც  
ძალი და ლონე გააჩნდა, ხმა-მაღლა დაუძახა დაბარებულს.  
დაბარებულმა დაბლიდამ იყო თუ მაღლიდამ ხმაშისკე-  
გზირს დამათ შორის გაიმართა ამ გვარი მიძახილ მოძახილი:

- გიბარებენ ჩქარა!
- ვინ მიბარებს?
- ჩინოვნიკი.
- ვინ ჩინოვნიკი?
- ი ქუდზე რომ ქათმის..., რაღაცა აქვს ის გიბა-  
რებს.

ამის გამჭონე ილია იტყოდა, ვითომ და ნაპოლეო-  
ნის გენერალმა ვატერლოოს მინდვრიდამ სიტყვა რომ

შეუთვალი ინგლისელებს რით იყო ამ ციტუვაზე უფრო  
გემრიელიო? \*

მომრიგებელ მოსამართლედ ყოფნის დროიდამ მო-  
გონება უფრო საინტერესოა.

თვითონ ილიამ გვიამბო:

მოსამართლედ რომ ვიყავი ერთი გლეხი მიწას ედა-  
ვებოდა ყაზიბეგს.—ბატონო, მიწა ჩემია, თეიმურაზ მე-  
ფის დროსა მაქვს ნაყიდი, მოწმეცა მყავს და ახლა ყა-  
ზიბეგი მართმევს, მიშველე დამიფარეო, შემომჩივლა  
გლეხმა.

მე დავიბარე გლეხისაგან ნახსენები მოწმე.

— შენ მოწმე ხარ, რომ ესა და ეს მიწა ამ გლეხს  
აქვს ნაყიდი—თეიმურაზ მეფის დროს?

— დიახ, შენი ჭირიმე, მოწმე ვარ, თუნდ დამა-  
ფიცეთ, ფრჩხილის საკვეთი ამილია.

თურმე ძველი ჩვეულება ყოფილა, როცა მიწას იყი-  
დდა ვინმე, დამსწრე მოწმეს ფრჩხილს მოსჭრილნენ.  
ამისათვის გასამრჯელოს აძლევდნენ იმას—და ეს მოწმე  
ვალდებული იყო უფროსი შვილისთვის ეამბნა ამ ნას-  
ჟიდობის ამბავი. შვილი შვილიშვილს გადასცემდა და  
ამგვარად ნასყიდობის ისტორია გადადიოდა მოღვარიდამ  
მოღვარი. თუ ვისმე შვილი არ ეყოლებოდა იმათთვის  
უნდა ეამბნა ვინც გვარში უფროსი იქნებოდა.

ილიას ეს ჩვეულება მეტად არ გაეგონა, ძლიერ  
მოეწონა და მოწმის ჩვენების თანახმად საღაო მიწა  
გლეხს მიუსაჯა.

ყაზიბეგმა აპელაცია გადაიტანა, ნაცა სწერდა: მომ-  
რიგებელ მოსამართლემ მკვდრები ააყენა მიწიდამ და  
ჩვენება ჩამოართვაო, *Мертвых допрашиваетъ*.

\* ავტორს ეს სტრიქონები გამოყოფილი აქვს ასეთი მინაშე-  
რით: „უწმაწურია და არ წამიკითხავსო“.—б. ც.

ამაზე ილია იტყოდა: ბაბილონში აგურზე იპოვეს წარწერა ესადა ეს მამული ნასყიდია და ამ ნასყიდობის მოწმეა ესა-და ეს, რომლის ფრჩხილი ამ აგურში არისო. გატეხეს აგური და შიგ ფრჩხილი ნახესო.

მეორე მოგონებაც ილია მოსამართლისაგან განაგონი: ერთჯერ ილიამ ერთი ძმის მაგიერ მეორე გაასამართლა და საპატიმროში ჩასვა.

ვიღაც ზაქარიას ბრალდებოდა ხეების მოპარვა. საქ-  
მის გარჩევის დროს მოსამართლემ ბრალდებულის გვარი  
მოიკითხა.

— მე გახლავარ ბატონო, წამოიძაა გლეხმა.

— შენ წაილე ხეები?

— დიახ, ბატონო წავილე.

რაკი დანაშაული ეჭვს გარეშე იყო, იქვე განჩინება დავსწერე და ბრალდებული საპატიმროში გავგზავნე. ჯერ კიდევ საპატიმროში ყოფნა არ ვაუთავებინა დას-  
ჯილს, რომ ჩემთან მოვიდა მისი ძმა.

— შენ ვინა ხარ?

— ესა და ეს ზაქარია გახლავარ ბატონო.

— როგორ ზაქარია, ის ხრამ ციხეში არის?

— არა შენი ჭირიმე, ციხეში ჩემი ძმა გავგზავნე, მე საქმეები მქონდა ქალაქში და არ მეცალაო, მიპასუხა გლეხ-კაცმა.

მომრიგებელ მოსამართლედ ილია დარჩა 6 თუ 7 წელი.

\* \* \*

1874 წელს ილიამ სულ დაანება თავი სახელმწიფო სამსახურს და შეუდგა თბილისის საადგილმამულო ბან-  
კის საქმეს. ამ წელს თბილისის თავად-აზნაურთა კრებამ

ის აირჩია კომისიის წევრად, რომელსაც დაევალა ბანკის წესდების შედგენა და როცა ეს წესდება თავად-აზნაურობამ მოიწონა, როია მათსავე მინდობილობით გაემგზავრა პეტერბურგს და იქ მისი მეცადინეობით ეს წესდება დამტკიცდა. შემდეგს 1875 წელს ამ წესდების თანახმად თბილისში გაიხსნა საადგილ-მამულო ბანკი და ილია არჩეულ იქნა ამ ბანკის გამგეობის თავმჯდომარედ.

ამის შემდევ ილიას გაეხსნა ფართო ასპარეზი მოლვაწეობისა საქართველოს საქმეთა სასარგებლოდ. ამ დღიდამ მთელი ოცდაათი წლის განძავლობაში თბილისში ქართული საზოგადო საქმე ისეთი არა დაწყებულა რა, საცა ილია თავკაცად არ ყოფილიყოს, თავ-მრჩევლად, საქმის გადამწყვეტად. ვიდრე დიმიტრი ყიფიანი ცოცხალი, იყო, ვიდრე გაბრიელ ეპისკოპოსი მეტყველებდა, ვიდრე გრიგოლ ორბელიანი, ზემოდამ დაყურებდა ახალთა თაობათა, ილია ჭავჭავაძეზე მაღლა კიდევ თუ იხსენებოდა სხვისი სახელი, მაგრამ მას შემდევ რა კი ესენი მიიცვალნენ ილია დარჩა პირველ კაცად საქართველოში.

ამას იქით ილია არის: ილია ბანკირი, ილია რედაქტორი, ილია წერაკითხვის საზოგადოების თავმჯდომარე, ილია დრამატიული საზოგადოების თავმჯდომარე, ილია სათავადაზნაურო სკოლების გამგეობის წევრი, თავმჯდომარის ამხანაგი, ილია მწერალი, ილია მოლექსე, ილია წარმომადგენელი ქართულის მწერლობისა, მასპინძელი უცხოელთა სტუმარ-მწერალთა და სხვადასხვა.

მე აქ ილიას ცხოვრებას არა ვწერ, ილიას ცხოვრების მასალას ვაქუჩებ, რომელიც ან თითონ ილისაგან გამიგონია, ან მისთა თანამედროვეთაგან მსმენია, ან მე თითონ ჩემის თვალით მინახავს და ამიტომ ჩემს ნანახს და განაგონს ილიას ცხოვრებიდამ მე აქ მხოლოდ და-

ახლოვებით ქრონილოგიურად, მაგრამ მაინც უსისტემოდ ვსწერ. მე ხომ მეწვრილმანე ვარ ქართულის მწერლობისა და ჩემგან შეკრებილი წვრილმანებით მე თქვენ ილიას სურათი ზოგიერთ შემთხვევაში მაინც ნათლად დაგანახეთ, მე ჩემს ვალს ქართულს მწერლობაში მოხდილად მივიჩნევ.

\* \* \*

მე გავიცანი ილია პირველად 1879 წელს.

ამ წლიდამ დაწყებული დღემდე მისის სიკვდილისა მე ილიას კეთილგანწყობილებას არ მოვკლებივარ. პირველს ოთხ-ხუთ წელს, როდესაც თბილისში ვცხოვრობდი, მე მასთან უფრო ხშირი მისვლა-მოსვლა მქონდა ჯერ როგორც წერა-კითხვის საზოგადოების გამგეობის წევრს და საქმის მწარმოებელს და შემდეგ როგორც გაზეთების თანამშრომელს.

სამწუხაროდ, იმ დროებიდამ ჩემს სამახსოვრო წიგნში თითქმის არაფერი არ ჩამიწერია ილიას ცხოვრებილამ. მაშინ ჯერ არ მქონდა განზრახული შემედგინა ჩვენი მწერლების ცხოვრების აღწერა და ბევრი რამ ილიას ცხოვრებიდამ, რასაც დღეს შეეძლო მისი ბიოგრაფიის გახალისება მე მიმავიწყდა. მხოლოდ შემდეგში, როცა შე მივყავი ხელი ორბელიანის, ბარათაშვილის, გორგვი ერისთავის და სხვათა ცხოვრების აღწერას, მე ყოველს შეურაზე ილიას ვუყურებდი და ვუსმენდი, როგორც მსხვერპლს „მუშტრის თვალით“ და როცა იმისგან მოვდიოდი. შინ, მის ნალაპარაკევს ვწერდი ჩემს სამახსოვრო წიგნში.

სულ ყველაფერი რასაც აქ მოვახსენებ მსმენელს, ან არის ამოღებული ჩემის სამახსოვრო წიგნიდამ, ან

თითონ საკუთარის ჩემის მეხსიერებიდამ, და არაფერი  
არ უჩევია აქ, რაც სხვის კალამს ეკუთვნოდეს, სხვისი  
ნაწერებიდამ იყოს ამოლებული.

გარნა არც კი ვიცი საიდამ დავიწყო წერა, რა  
რიგზე ამოვწერო სამახსოვრო წიგნიდამ, ნანახი და ვა-  
ნაგონი ილიას ცხოვრებიდამ.

მგონია ისევ ისა სჯობია თავიდამ დავიწყო, ათა-  
დამ-ბაბადამ, როგორც თითონ ილიას უყვარდა თქმა,  
ესე იგი შინ მივიდე მასთან და ჯერ შინაური კაცი და-  
განახოთ.

\* \* \*

ილია ჯერ რდგა ახალ, ბებუთოვის ქუჩაზე, სტარო-  
სელსკის \* სახლის პირდაპირ. მერე ოთხმოციან წლების  
მეორე ნახევარში ის გადავიდა კუკიას, თავის დის ლიზა  
საგინოვის სახლში, ბოლოს დროს იმან იყიდა საკუთარი-  
სახლი. ანდრიას ქუჩაზე.

ილიას არ ჰქონდა ფართოდ გაშლილი სტუმრიანი  
სახლი. მასთან თქვენ ვერ შეხვდებოდით ქალაქის მაღალ-  
საზოგადოებას, ველიკო-სვეტსკая პუблика-ს. მის სა-  
ლონში თქვენ შეეყრებოდით მხოლოდ მწერლებს, არ-  
ტისტებს, საზოგადო მოლვაწეთ, ქალთაგან მარტო ნათე-  
სავებს.

თუ რამე საღამო გაკეთდებოდა შასთან ან წვეუ-  
ლება იქნებოდა, მომსვლელები ამათ წრიდან იყო.

ილია იყო თავაზიანი კაცი, პურმარილიანი მომ-  
ლენი. მას პირადად და მის სუფრას, რომელსაც ქართუ-

\* სტაროსელსკი ილიას ქვისლი იყო და ალბად აქ მოხსენე-  
ბული სტაროსელსკიც ან თვით ქვისლია, ან მისი ასლო ნათესავი

ლი კერძი თავის დღეში არ განშორებია, მუდამ ქარ-  
თველი მოსამსახურენი მსახურობდნენ. საქართველოს სა-  
უკეთესო კაცს და მამულის მოყვარეს, მუდამ სწავლული  
და მამულის მოყვარე მოსამსახურე ებედებოდა.

თითონ ილიამ გვიამბო: ერეკლე ბატონიშვილს ვაჟი  
რომ დაებადა დილა აღრიანად ჩემთან შემოიჭრა ბიჭი  
და ჩვენ შორის ამ გვარი დიალოგი გაიმართა:

მომილოცავს ბატონო!

— რა, ბიჭო?

— ბატონის რძალს ვაჟი ეყოლა ამ დილას.

\* \* \*

1884-ს იყო თუ 85-ს, როცა ილია წამოვიდა სა-  
მეგრელოს, მთავრის ბიბლიოთეკის ჩასაბარებლად, ილია  
ისე გამხიარულდა, რომ ბანძას მექი ფალავასას\*\* და ჩემ-  
თან ცაიშში \*\* სულ „ფარინა, ფარინა“ \*\*\* იმღერა და  
ფერხულით გული შეიჯერა.

ილია აუჩქარებელი კაცი იყო, დინჯი, მძიმე.  
აუჩქარებელი ხშირად ნიშნავს ზარმაცს და ეს თვისება—  
ზარმაცობა—ღმერთო შენ შეგცოდე და ილიას ცილისწა-  
მებად არ უნდა მიეთვალოს.

დიმიტრი ყიფიანმა მოსწერა იმას ერთხელ ქვიშხე-  
თიდამ სამდურავი, რას უგვიანებ წერა-კითხვის საქმე-  
ებსო. სხვა რომ ვერა მოახერხა რა თავის გასამართლე-  
ბელი, ილიამ პასუხად მისწერა მხცოვანს პატრიოტს, არა-  
ფერია, ყველაფერს მოვასწრებით, — რუსთველმა სთქვაო:

\* მექი ფალავა = ვექილი, საზოგადო მოღვაწე, მემამულე სოფ.  
ბანძაში. — ს. 3.

\*\* ცაიში, სოფელია, სამეგრელოში. სადაურიც ი. მეუნარგია  
იყო. — ს. 3.

\*\*\* ეს სიტყვები შეიძლება შეცომით იყოს დაწერილი ნა-  
ცვლად მეგრული „პარირა-პარირა“-სი რადგან ცეკვის დროს  
ასე მღერიან სამეგრელოში და არა „ფარინა-ფარინას“ — ს. 3.

„თქმულა, სიწყნარე გმობილი სჯობს სიჩქარესა ქე-  
ბულსა“.

შეორე მაგალითი: 1890-წელს, როცა ქალაქმა ბა-  
თუმმა ითხოვა, თბილისის სააზნაურო ბანკს ნება მისცე-  
მოდა მიეღო გირაოდ ბათუმის მამულები, ფინანსთა მი-  
ნისტრი ქალაქს ჩამოვიდა, მაგრამ ილია არ წარსდგა  
მასთან და არ წარუდგინა ამ საგანზე მოხსენება. როცა  
ამის გამო საქმის გარდაწყვეტა დაგვიანდა და ილიას უსა-  
ყვედურეს რატომ მინისტრი არ ნახეო, პასუხად სთქვა:  
„ვერც ჩემი მისელა დააჩქარებდა საქმეს და ვერც ჩემი  
მიუსვლელობა დააბრკოლებდაო“.

\* \* \*

მაგრამ ილია, როგორც ეს შეეფერება პოეტს, ხში-  
რად და ადვილად მოდის ალტაცებაში და ეძლევა პათოსს.  
ხანდახან სულ უბრალო მიზეზების გამო.

—ვაა.... ვერ წარმოიდგენ.... მითხრა ერთხელ იმან,  
რაღაც შემთხვევის გამო, ბრაზილიის იმპერატორმა დონ-  
პედრომ შეუთვალა ვიქტორ-ჰიუგოს (აქ მგოსანი წამო-  
დგა ზეზე და გამოიჭიმა მთელის მისის სიმაღლით): შენი-  
ნახვა და გაცნობა მწადიანო. ამის პასუხად ჰიუგომ შეუ-  
თვალა მეფეს: მე სალარბაზოდ არავისთან არ დავდივა-  
რო. მაშინ იმპერატორმა და მისმა ტახტის მემკვიდრეობ  
თითონ ინახულეს დიდი მგოსანი. ვიზიტის დროს, როცა  
მასპინძელმა სიტყვაზე „თქვენო უდიდებულესობაო“ უთ-  
ხრა მეფეს, მეფემ სიტყვა შეაწყვეტინა მგოსანს და უთხრა  
თავის მემკვიდრეს: --Сын мой, помни, здесь нет другого  
величества кроме Виктора Гюго... ეს სიტყვები  
ილიამ დიდის ამბის-ყოფით წარმოსთქვა, ეტყობოდა  
სიხარული, რომ ქვეყნის მბრძანებელი ასეთგვარად ემორ-

ჩილებოდა სიტყვისა და ლექსთა მეფეს, ოოგორიც იყო  
ვ. ჭიუგო.

\* \* \*

ლაპარაკში ილია უძლეველი იყო. მის დიალექტი-  
კას, მისს მოსწრებულ სიტყვებს, მის მდიდარს ლექსი-  
კონს ჩვენს ქართველობაში წინ ვერავინ უდგებოდა. ვის  
არ ახსოვს ბისი სიტყვები საადგილმამულო ბანკის წევრ-  
თა საზოგადო კრებებზე წინააღმდეგ ძმათა მაჩაბელთა,  
ბევრნი გრძნობდნენ, რომ სიმართლე ვანო მაჩაბლისაკენ  
იყო, მაგრამ ილიამ გაჭიჭყა ის თავის დიალექტიკით და  
მოსწრებული სიტყვებით.

აი ერთი მაგალითი ილიას უძლეველობისა ლაპარაკ-  
ში. „ვის-რამიანის“ ბეჭდვა რომ იწყებოდა, უკანასკნელი  
რედაქციის დადგენა და ვარიანტების ერთიერთმანეთთან  
შეთანხმება მიანდვეს ილია ჭავჭავაძეს, პეტრე უმიკაშვილს  
და ალ. სარაჯიშვილს. ერთს უძველეს ვარიანტში ამათ  
დაინახეს, რომ უ.ს ბრჯგუ არ აქვს. ილიას მეტი რა  
უნდოდა, ჩვეულებრივის ალტაცებით იმან დაიჯინა უ  
უბრჯგულ დავბეჭდოთო. უმიკაშვილი თითონ თაყვანის-  
მცემელი იყო ყოველგვარის არქაულის ფორმისა, მაგრამ  
ასე გასინჯეთ იმასაც კი შეეშინდა ამგვარის გადაწყვეტი-  
ლებისა: რადგანაც კორექტორი ის იყო, ეშინოდა  
ბრჯგუს განდევნა იმისთვის არ დაეწამებიათ, იმან და-  
სწერა ამ საგანზე დადგენილი ვადაწყვეტილება და ხელი  
მოაწერინა ილიასა და სარაჯიშვილს. მერე წიგნი დაი-  
ბეჭდა.

მაგრამ შენი მტერი, ის რომ დაიბეჭდა, თქვენ თი-  
თონ გადაშალეთ წიგნი და დაინახეთ შიგ რაები სწერი-  
ჭარმოიდგინეთ ას სიტყვები გამოვიდოდა თუ ბრჯგუ არ

ექნებოდა უნით დაწერილ სიტყვებს: ჩვენ, — ჩუენ; მოსვენება — მოსუენება; გამოკვება — გამო...

— ილია, ეს რა გიქნიათ, როგორ დაგიბეჭდნიათ — ჰეტოხეს პოეტს.

— წარმოიდგინეთ: მე რომ რუსეთში ვიყავი ჰეტოხეს გაუკეთებია. ჰეტოხე, ეს რასა ჰგავს, როგორ დაგიბეჭდნია?

— მე ისე დავბეჭდე, როგორც შენ გადასწყვიტე.

— თავის დღეში მე ამგვარი დაბეჭდვა არ მიუნა.

გიფიქრის კი არა, გითქვამს კიდეც და ხელიც მოგიწერია, უთხრა გაჯავრებით ჰეტოხემ და გაიხსნა უბის ჯიბე. ამოილო მანდედამ ხელმოწერილი ბარათი და თვალწინ დაუდვა.

— თავის დღეში მე უს არ მითქვამს, მე სხვა რიგად დაწერილი მეგონა, უთხრა მაინც ილიამ და იმდენი ილაპარაკა, სანამ საწყალი ჰეტოხე დამნაშავედ არ გამოიყვანა.

\* \* \*

ილია ხელმოჭერილი კაცი იყო, სულ იმას სჩიოდა მეტი აღარა ვართ ამ საქცელმოქმედო სალამინებისაგანო, საცაა ჩვენდა სასარგებლოდაც უნდა გავმართოთ წარმოდგენაო და სხვა ამგვარები. უცნობი ქალი ან კაცი რომ მოვიდოდა მასთან იმას სულ იმის ეშინოდა ვაი თუ ფული მთხოვოსო. ერთხელ საადგილ-მამულო ბანქში მასთან მოვიდა პლატონ იოსელიანის ცოლისაგან მოგზანილი ქალი. ილიას ეგონა მთხოვნელი არისო და მიღების უარზე დადგა, მაგრამ მოგზავნილმა შემოუთვალა: პლატონ იოსელიანისაგან დარჩენილი ნაწერი მომაქვს თქვენს:

უურნალში დასაბეჭდათო და პოეტს გადასცა — „მეფე გიორგის ცხოვრება“, ოსელიანისაგან შედგენილი, შემდეგში „ივერიის“ ნომრებში დაბეჭდილი \*.

მაგრამ ამ ხელმოჭერილ კაცს სულ არაფრად მიაჩნდა ასობით და ათასობით ფულის წაგება ბანქოს თამაშში.

ოთხმოციან წლების დამდეგს ილია თითქმის ყოველ საღამოს თამაშობდა. ჩვეულებრივი მისი პარტნიორები იყვნენ: გიორგი შარვაშიძე \*\* (დიმიტრიჩი), კონსტანტინე რეიტერი, \*\*\* კოლა ერისთავი, დავით ავალიშვილი. კრუზოკში ან კლუბში ის ხშირი სტუმარი არ იყო. იქ თუ წავიდოდა ის მხოლოდ ზაფხულობით. მე ხშირად გამოვსულვარ დილა ადრიანად ალექსანდრეს ბალში და შევყრივარ ილიას კუკიიდამ მომავალს შემდეგ ღამის თამაშში გატარებითა.

განსვენებული ილია ხონელისაგან გამიგონია: ილიამ მთელი ლამე თურმე ითამაშა სადღაც კლუბში და ათას-ხუთასი მანეთი წააგო. შინ რომ დაბრუნდა და ეტლის გასასტუმრებლად ქისა ამოილო, შიგ ნაშალი ვერ იპოვა, ერთი თუმნიანი-ლა შერჩენოდა იმას გაუტეხელი.

— ეჰ, საცა სხვა წავიდა ესეც წავიდესო, გაივლო მგოსანმა გულში და გაუწვდინა ქუჩერს თუმნიანი.

— აჰა წაიღე, უთხრა პოეტმა.

— ბატონო აქ ერთი თუმანია.

— არაფერია, წაიღე განუმეორა მან.

— გეტუობა კნიაზო, წუხელის მოგიგიათ, ღმერთმა ყოველთვის ასე მოგაგებიოსო, დაუმადლა სულგრძელ მგოსანს თვალგაპრიალებულმა ქუჩერმა.

\* განო მაჩაბლისაგან განაგონი.

\*\* აფხაზეთის მთავრის მემკვიდრე მწერალი, დრამატურგის ს. ცა

\*\*\* რუსი მოხელე.— ს. ც.

ახლა უნდა გადავიდე ილიას რედაქტორობაზე და  
გაზეთზე, მაგრამ ჯერ მოისმინეთ ეს რამდენიმე ნაწყვე-  
ტიც ჩემის დღიურიდამ ა ხატონ თორუ.

გაზეთის, „ივერიის“ გამოცემას რომ მოკიდა ხელი  
ილიამ, ის დიდს ფაცა-ფუტში იყო. მე იმ დროს პეტერ-  
ბურგში ვიყავი დროებით და—რაღვანაც გაზეთში თანა-  
მშრომლობა მქონდა აღთქმული (სხვათაშორის გაზეთში  
უნდა დაწყებულიყო ჩემგან შეკრებილი ისტორიული და  
სამწერლო ნაკვესების ბეჭდვა, რომელზედაც ფსევდონიმად  
ლელო ეწერათ. თითონ სათაური „ნაკვესი“ ილიასუგან  
არის გამოგონილი, მაგრამ ფსევდონიმი არ მოსწონდა).

20 დეკ. 1885-წელს ილია მწერდა თბილისიდამ:

„დაგვანებე, ჩემო იონავ თავი და დაგვაობდე  
ამისთანა გაჭირვების დღეს... მაგრამ რა გაეწყობა?  
თურმე სოფელი ასეა. თუმცა შენ ბევრს გვაკლიხარ,  
მაგრამ ჩვენ მაინც ჩვენსას არ ვიშლით და ვჩეორ-  
კედელაობთ 1-ს იანვრისთვის. ვნახოთ ლერძი ბე-  
დისა როგორ დაიწყებს ტრიალსო. გიგზავნი გამო-  
ცხადებულს და ყველგან გაგზავნილს უწყებას ჩვე-  
ნის ახალის გაზეთის გამოცემის თაობაზედ. ზოგი-  
ერთმა ჩვენგან ახლად შემოლებულმა სიტყვებმა და  
ტერმინებმა მოწონების და დაწუნების ლალადი მოჰ-  
ფინეს ჩვენს სალიტერატურო არე-მარეს. ჩვენ ვნუ-  
გეშობთ და ვამბობთ: Значит, свет нас заметил.  
უარარაობას კიდევ ესა სჯობია. ახ, ნეტავი ეხლა  
ჩვენთან იყო. ყინვამ მაგ უმაღურ და უსიხარულო  
ქვეყნისამ გული არ გაგიყინოს და არ დაგვლუპოს  
შენდამი მსასოებელნი,

შენი ფსევდონიმი არც ერთი არ მომეწონა. აქ მოვიგონეთ ორი ფსევდონიმი; 1. „მე ვარ და ჩემი ნაბადი“ თუმცა გრძელია, მაგრამ შენზედ ზედ გამოჭრილია;

2) „აბედი“, ვითომ ნაკვესმა შენ ცეცხლი მო-  
გიკიდა როგორც აბედს და შენ ჩვენ გაღმოგვეცი.  
ეს უკანასკნელი კარგია, მაგრამ აკაკი წერეთელს  
საბუთს მისცემს ქართული აბედი რუსულ ინბედ-ად  
გადააქციოს; მაინც შენ სხვის საღილების მაძებარს  
გეძახოდა და დაგცინოდა. ორში ერთი ამოირჩიე  
და ტელეგრამით მაცნობე.

ასოებისათვის ფული საჭირო არ არის, რად-  
განაც თვითონ ასოები აქ ჩამოვასხმევინეთ და ძა-  
ლიან ცოტა განსხვავება აქვს მანდაურებთან. წიგ-  
ნები რაც საჭირო იყო, დავიბარეთ, ვიდრე შენი  
წერილი მომივიდოდა.

ნიკოლაძესა სთხოვე და შეეხვეწე ჩემაგიერ,  
ჩვენს გაზეთს თავისი ნაწერებით შეეწიოს. მომი-  
ტევოს ამ უამაღ, რომ საკუთარს წერილს არა  
ვსწერ. ეგ იმისთანა კაცი არ არის, რომ ამის გამო  
გაგვიწილდეს და გულიდამ ამოილოს ჩვენი გაზეთი,  
წვრილმანმა წვრილმანს მოუკიდოს კეცხლი.

ქალალდის თაობაზე სერებრიაკოვს\* წერილი  
მივწერე და პასუხს ველი. ჯერ ხანად იი-  
ვრენიე-ს ფორმატის ქალალდს ვიხმარებთ.

კაცო, რატომ არა გვწერ,—ეგ ჩვენი მუხრან-  
ბატონი რას სჩაღის და როგორ მიჰყავს ჩვენი სა-  
ზოგადო საქმეები. შენგან მიკვირს და მეოცება.  
ლმერთსა ვთხოვ, რომ სამერმისოდ არც ერთი შე-  
მემთხვას შენგან და არც მეორე. ასე, ჩემო იონავ,

\* სერებრიაკოვი—ქართველი მრეწველი ლქრომჭედლიშვილი.

იყავ მშვიდობით და დღეგრძელობით და არ და-  
ვიწყო, რომ შენ ერთად ერთი მეგობარი გყავს და  
ის ერთად ერთი — შენი ილია ჭავჭავაძეა".

20 დეკემბერი.

P. S. მოუთმენლად ველი შენს სტატიას. ილი-  
კომ მოგიკითხა. მოიკითხე ყველანი, ჩემი ნაცნო-  
ბები.

"ივერიის" პირველი ნომერი გამოვიდა 1 იანვარს  
1886-წ.

"ივერიის" რედაქცია ამ დროს კუკიის ქუჩაზე იყო  
მოთავსებული პოეტის დის ლიზა საგინოვის სახლში. და-  
ბლა იყო გამართული გაზეთის სტამბა, მალლა იყო რე-  
დაქცია და იდგა თვით რედაქტორი.

რომ ახვიდოდით მეორე სართულზე, მარცხენა კა-  
რებს შეყავდით თქვენ გაზეთის რედაქციაში და მარჯვე-  
ნას ილიას სადგომში. სადგომის ყურეში, შესვლისთანავე,  
მარცხნივ იყო რედაქტორის კაბინეტი — პატარა ტანის  
ოთახი — სწორედ ისე იყო მოწყობილი, როგორც ეს შე-  
ეფერებოდა მის პატრონს — პოეტს და მამულის მოყვარე  
რედაქტორს.

შეხვიდოდით თუ არა კაბინეტში, ყველაზე უწინ  
თქვენს ყურადღებას იქცევდა ფერადის სურათებით აჭრე-  
ლებული ჭერი ოთახისა. ჭერის ოთხ კუთხეზე იყო დახა-  
ტული ფართო მედალიონები მეფის ლუარსაბისა, დიმიტრი  
თავდადებულის, გიორგის თამარის მამისა და დავით  
ალმაშენებლისა, შუაში იდგა წმინდა ნინოსი.

კედლებზე ეკიდა: მეფე ერეკლე, გორგასლანი.

კედლებზედვე: სოფლის გლეხკაცი და ყანაბი გაბაე-  
ვისა, მურილლიოს გრავიურა, მითოლოგიური სურათები.

კაბინეტი სავსე იყო შეკაფებით, სტოლებით, წიგნებით, ქანდაკებებით.

რომ მიიხედ-მოიხედავდით, დაინახავდით: ერთგან შექსპირის ბიუსტის, სხვაგან გიოტესას, კიდევ სხვაგან რუსთველისას, გარიბალდისას.

იქა-აქ კედლებზე: კაჭაბს და ხოხობს.

და რადგანაც ნამდვილს ქართველს ძველთაგან ანდერძად უწერია, თქვენ ამ კაბინეტში ნახავდით რვა ყანჭს, ერთს მეორეზე უდიდესს.

მთავარი სტოლი კაბინეტში სავსეა რაგინდარათი: წიგნებით, გაზეთებით, სამწერლო იარაღებით, სულ ყველაფერი ამ დიდ სტოლზე არეულ დარეულია, რომ აქაც გამართლებულიყო ნათქვამი პოეტურს დაუდევნელობაზე. აი აგერ დიდი ამომშრალი საწერელი, რომელშიაც ვილაცას მეორე მომცრო ტანის საწერელი ჩაუდგამს, აი შველის ქანდაკება, რომელსაც რქაზე პოეტის ჩაჩი აქვს წამოცმული. აი გადაშლილი წიგნი, ვაპიროსის ნამწვრით შუა გულში, აი გლობუსი, საანგარიშე, სათვალე, გაზეთის ორიგინალები, ვეებერთელა წითელი კარანდაში...

თუ სალამოა, ამ ხტოლთან თითონ რედაქტორი ზის და აქ ამ ვიწრო ქარხანაში მზადდება დღეს ის აზრი, რომელიც ხვალ შეიძლება სახელმძღვანელოდ გათხდეს ყველა ქართველისათვეს ბაქოდამ დაწყებული ხოხუმამდის და ჭავკასიის გარეთაც.

როგორც გაზეთის თავი — მესვეური ილია, დიდად ნაყოფიერი იყო, ის ბევრსა სწერდა და გრძლად სწერდა. გრძლად წერა, სამწუხაროდ, მისი ნაკლულევანება იყო.

გაზეთი. წიგნი არ არის, რომ კაცი დაუჯდეს იმას  
და იკითხოს. გაზეთის სტატია თუ უურნალის სტატიად  
გახადა კაცმა რაც უნდა კარგად იყოს ის დაწერილი,  
თვისს ლირსებას კარგავს.

გაზეთი თქვენ ბულვარზე საღმე იყიდეთ, გზა-გზა  
მიმავლად იმას თვალი გადაავლეთ ან მიჯეჭით საღმე,  
ზელტერის წყლით სიცხიდამ სული მოიბრუნეთ და  
უფრო მეტი ხანი შოანდომეთ იმას, რომ წაიკითხოთ  
ტელეგრამები, ახალი ამბები, მცირე შენიშვნები და ბო-  
ლოს თუნდ მეთაური წერილიც, თუ ის მოკლედ არის  
დაწერილი. მაგრამ თუ ეს წერილი გრძელია არა ადვი-  
ლად საკითხი, გაყოლებით დაწერილი, წინასიტყვაობით,  
სხვადასხვა წინადადებით ერთმანეთში აცმულ გადაბმუ-  
ლი, რომელსაც აჭრელებენ: „როგორცა ვთქვი“, „რომე-  
ლიც რომ“ და სხვა ამგვარები, თქვენ იმას ვერ წაი-  
კითხავთ.

და თუ წაიკითხავთ, ლმერთმა მშვიდობა მოგცეთ,  
შევრი დრო გქონიათ.

უმეტესობა კი ათის მკითხველიდამ ცხრა, ამ სტა-  
ტის არ წაიკითხავს.

გრძელი სიტყვა მოკლედ ითქმის თუ შაირზე მარ-  
ტო სთქვა რუსთაველმა, ალბათ იმიტომ, რომ მეთორმეტე  
საუკუნეში არც გაზეთები იყო და არც მოწინავე სტა-  
ტიები.

მე ხელთ არა მაქვს რლიას გაზეთის „ივერიის“ კოლექცია  
და მაგალითს აქ ვერ მოვიყვან, მაგრამ ისე მახსოვს, რომ  
იშვიათია ილიას მოწინავეს არ უჭიროს გაზეთში ორი-  
სამი სვეტი, ხან თთხი, ხუთი, ექვსი.

გაზეთს ქვეყანა კითხულობს და ქვეყანას ამ გაუ-  
თავებელის სტატიებისათვის არა სკალია.

ფრანგულები იტყვიან: quand vous voulez dire: il pleut, dites il pleut. ეს ქართულად ასე ითარგმნება: თუ გინდათ სთქვათ, რომ წვიმს, სთქვით წვიმს. და ნუ მოყვებით ათადამ-ბაბადამ, ნუ დაიწყებთ ციდამ, ღრუბლიდამ, ჰაერიდამ, სთქვით მოკლედ: წვიმს.

ისევე ითქმის საზოგადოდ იმ გვარ მეთაურ წეროლებზე, რომელსაც ეკუთვნოდა ილიას წერილები. ეს წერილები მოკლედ და პირდაპირ ვერ ეუბნებოდნენ მკითხველს იმას, რისი თქმაც მის დამწერს უნდოდა და რაც, როგორც პოეტს ჩას შეეძლო.

მეშინია მეტის თქმა არ გამომივიდეს, მაგრამ არ შემიძლია შემთხვევით არ ვისარგებლო და ამ გრძელ მოწინავეებზე ორი-სამი სიტყვა კიდევ არა ვსთქვა. ყოველი გაზეთის ნომერი, რომელშიაც გრძელი მოწინავე წერილია დაბეჭდილი წვალებაა ჩემთვის.

ერთი დიდი, საფრანგეთის ფილოსოფოსი, ოგიუსტ კონტი ამბობს: მწერალს არ უნდა ჰქონდეს უფლება ათა-მაშოს მკითხველი თავის სურვილისამებრ, სწეროს როგორც იმას უნდა. ყველაფერი კანონს და ზომას უნდა ემორჩილებოდეს, უნდა იყოს განსაზღვრული, რომ ყოველს ფრაზაში ქვემდებარე იყოს, შესმენილი, დამატებითი სიტყვა და კიდევ არ მახსოვს რა და შემდეგ ფრაზა თავდებოდეს, მძიმე დაესმოდეს. როცა მე ვხედავ ოთხი ხუთ სვეტიან / მოწინავე წერილებს გაზეთში, მეც ის ცხოვრებაში განუხორციელებელი ფიქრი მომდის, როგორც კონტს, რომ შეიძლებოდეს ამ გრძელი მოწინავეების შემოკლება, თუნდ ისეთ გვარად როგორმე, როგორც მაგალითად სახელმწიფო სათათბიროში ამოკლებენ. ორატორის სიტყვებს ხუთი წამის ლაპარაკის შემოლებით.

ჩემი იდეალი გაზეთის მოწინავე წერილების მწერლისა არის საფრანგეთის უურნალისტი უირარდენი. ამ როგორ ახასიათებს უირარდენის წერას საფრანგეთისავე მწერალი დანკური:

„ის (უირარდენი) იშებს რამე საგანზე ლაპარაკს, წამოაყენებს წინ ერთს აზრს, თეზისს. მოუსვამს კალამს და ორ სტრიქონში — საქმის ექსპოზიცია მზად არის. ორისამი სტრიქონი და უირარდენი შუაგულ კითხვამდის არის მიწევნილი. ამის შემდეგ ის გადადის დასკვნაზე, ის წინდაწინ ხედავს თუ თქვენ მასთან არა ხართ თანახმა და თქვენსკენ მოიწევა. თქვენ შეიძლება ამაზე ესა და ეს მითხრათ; ახ, რა გვარად შებრალებით და ის მტვრად აქცევს თქვენს ნათქვამს ან დაანახვებს სხვებს რომ თქვენი ნათქვამი მტვრად აქცია და გასწევს და გასწევს. კი დევ ორი სტრიქონი. გათავდა? არა იმას კიდევ აქვს სათქმელი უკანას ნელი სიტყვა, კიდევ უნდა გაისროლოს უკანასკნელი ისარი. ახლა მაინც გათავდა? არა. ერთი სტრიქონი კიდევ და ამ სტრიქონში სულ ბევრი-ბევრი სამი სიტყვა, ხანდახან ორი და ხშირად ერთი. ჰა, და გათავებულ მოწინავეს ხელი მოაწერა“.

ამგვარად ილიას არ უწერია:

ილია, რედაქტორი თავის ნაწერს სანამ დასაბეჭდად გაგზავნიდეს, უკითხავს თავის თანამშრომლებს და ყოველგვარ რჩევას სიამოვნებით ითვისებს.

ნინო ბუხრან-ბატონის \* დასაფლავების გამო მოწინავე წერილი რომ დაბეჭდა ილიამ „ივერიაში“, მეორე დღეს მკითხა:

— წაიკითხე ჩემი წერილი?

\* დავ. დადიანის და, ივანე ბუხრან-ბატონის მეუღლე.

— წავიკითხე გუშინლამვე სტამბაში და ძალიან მომეწონა. მხოლოდ რომ გენებებიათ და სამღვთო წერილის სიტყვაც ჩაგეტანებიათ—შიგ შრომის მოყვარე ქალის თაობაზე დაწერილი, წერილი ბევრს მოიგებდა.

— რა სიტყვები?

— ოფლითა შენითა სჭამდე პურსა შენსა.

— ახ, მართლა რომ კარგი იქნებოდა და რატომ ეს სიტყვები არ მიაწერე რაკი სტამბაში მოხვედროხარ, მითხრა ნაღვლით რედაქტორმა, საზოგადოდ დეკლამაციის მოყვარემ.

სხვის ნაწერებს ის თავაზიანად ეპყრობა, მხოლოდ ენის მხრით კი რედაქტორი ულმობელია, მეტადრე იმერეთიდაშ გამოგზავნილი კორესპონდენციების და წერილების კითხვის დროს.

ენის მხრით ილია მართლა რომ კანონმდებელია ქართულის ენისა.

ვილაცამ უსაყვედურა ვიქტორ ჰიუგოს; ეს სიტყვა ფრანგული არ არისო.

— არ არის, მაგრამ იქნებაო, თავმოწონებით უპასუხა საფრანგეთის დიდმა მგოსანმა.

იგივე ითქმის ილიაზე და ქართულ ენაზე.

სანამ ილიამ არ დაუშალა ჩვენებს, ჩვენში ამბობდნენ: „უფალი კერესელიძე, უფალი მესხი“ ეს უფალი ან იყო ამოღებული სამღვთო წერილიდამ, ან იყო ნათარჯმნი რუსული სიტყვიდამ „Росподин“. ილიამ სთქვა: „„უფალი მესხი“—ს თქმას „ბატონი მესხი“—ს თქმა არა სჯობიაო? და ეს სიტყვა მას აქეთ დაკანონდა ჩვენში და ამ სიტყვას ისე მაგრად აქვს მოკიდებული ფესვი ჩვენს ენაში, რომ მას ვერ განდევნის ეხლა ჩვენის ენიდამ ვერც „ამხანაგი“ და ვერც „მეგო-

ბარი“ ისე, როგორც ვერ განდევნეს ფრანგულის ენიდამ „monsieur“ ვერც დიდი რევოლუციის *citoyen*-მა და ვერც კომმუნის *Compagnon*“ მა \*.

მისგან მოგონილი სიტყვებთაგან მახსოვს: სულთა-სწრაფვა, თვალთა ხედვის ისარი.

იმას არ მოსწონს იმერულ წერილებში სიტყვები— „კლებულობა“, „ამნაირად“. საცა ეს სიტყვები მოხვდება ილიას, მაშინვე შლის და სამაგიეროდ ზემოღაშ აწერს, სიტყვებს: „ვილებ“, „ამ გვარად“..

საცა ჩვენ ჩვეულებრივად ვწერთ „მაგრამ“-ს ილია ხშირად— „გარნა“-ს სწერს.

იმასვე ეკუთვნის, მგრია, ეს „ჰესჩადის“, რომელსაც ეხლამდის ვერ შევთვისებივარ, რომელიც არც ერთს ძველს წიგნში საღმე არ წამიკითხავს, არც ხალხში გამიგონია სურამის აქეთ მაინც. გადაღმაც არ ვარ დარწმუნებული, რომ ხალხში „ჰესჩადის“ ითქმოდეს, შეიძლება თქვან ჩადის, სიტყვიდამ ჩასვლა, მაგრამ „ჰესჩადის“ ქალაქში უნდა იყოს გაზვიადებული.

როგორც რედაქტორს, ილიას მუდმივ ერთი აზრი აქვს, გაზეთი არავის პირადობას უმართებულოდ არ შეეხოს. ამ მხრით ის დაშინებულდა გაზეთის „დროების“ განურჩეულობით.

სხვისი პირადობის დამცველს თავის გაზეთში, ილიას არ უნდოდა რომ თითონ უმართებულოდ ეხსენებოდა ვინმე სხვის გაზეთში. როდესაც ნიკო ნიკოლაძემ „Новое обозрение“-ში ერთი წერილი დასწერა მისი პიროვნების შესახებ ილიამ თავი შეურაცყოფილად მიიჩნია და ორი თვისი ამხანაგი მიუგზავნა სეკუნდანტებად ნიკოლაძეს— კოლა

ერისთავი და სოსიკო შალიკოვი\*. ამან პასუხად ჭავ-  
ჭავაძეს გაუგზავნა ორი თვისი ამხანაგი, დათიკო გურა-  
მიშვილი და ნიკოლოზ სიმბორსკი\*\* და მათ შორის გაი-  
მართა დუელი. მოწინააღმდეგენი დაჟგნენ ბარიერზე  
გატენილის ფიშტოებით და ყველაფერი იმ წერტილამდის  
იყო მოყვანილი, საცა ტყვია უნდა გავარღნილიყო, მაგ-  
რამ ამ დროს სიმბორსკიმ უკანასკნელის შერიგების სი-  
ტყვით მიმართა დუელიანტებს და დუელი მორიგებით  
დამთავრდა.

არ ვიცი ამ ორში ვინ ვის მოსთხოვა ბოლიში,  
რადგანაც მათი შერიგების პროტოკოლი არ გამოქვეყნე-  
ბულა. როგორც გამიგონია, ჭავჭავაძეს უნდა ერქვას: მე  
შეურაცყოფილად მივიჩნიე ჩემი თავი მარტო იმისათვის  
რომ ნიკოლაძეს თუნდ ერთი წამით შეეძლო ეფიქრა,  
რომ რაც „ივერიაში“ დაიბეჭდა ის ჩემის თანხმობით  
იყომ. ნიკოლაძეს ამაზე უნდა ეთქვას: თუ ეს ასეა, მაშ,  
რაც მე ჩემს გაზეთში ვთქვი ჭავჭავაძის შესახებ უკან მი-  
მაქვსო.

რედაქციაზე და გაზეთზე ლაპარაკს აქ ჩვენ უნდა  
დაურთოთ აკაკის სიტყვებიც:

აკაკი თამარაშენში იყო ვანო მაჩაბლისას და დაძინების.  
დროს „ივერიას“ კითხულობდა. კითხვის დროს აკაკის  
მიეძინა და გაზეთს სამთლიდამ ცეცხლი მოედო.

— ფუ, ფუ, ფუო და ერთის ყოფით გააქრო ალი  
პოეტმა.

— მადლობა ლმერთს, წყალნარევი გაზეთია, თორემ  
ვერ დავაქრობდიო, აამა მგოსანმა ილიას მოწინააღმდეგე  
ბანკის დირექტორს.

\* სამხედრო პირი. ს. ც.

\*\* რუსი პოეტი. ს. ც.

\* \* \*

ილიას, როგორც ბანკირს, ქართულ მწერლობასთან  
და ხელოვნებასთან კავშირი არა აქვს და ამიტომ მის  
მოღვაწეობაზე თბილისის საადგილმამულო ბანკში, მე აქ  
დიდს არას ვიტყვი. პოეზია და ანგარიში, ქნარი და  
ჩოთქი, როგორილაც ერთმანეთთან ვერ მიღიან, გარნა  
არ უნდა დავივიწყოთ, რომ ილია საზოგადო მოღვაწეა  
და რომ მისმა გონებამ და შრომამ მისგან დაწყებული  
და წარმართული ბანკი იმ ზომამდის მიიყვანა, რომ დღეს  
ბანკის დამფუძნებელთ უკვე დაუბრუნდა უკანვე ძირის  
თანხა და როგორც ახლა, ამ წასვლაზე თბილისში შე-  
ვიტყვე, შარშან ბანკს ქონდა იმდენი შემოსავალი, რომ  
ოთხასი—ათასი მანეთის ზარალი დაუფარავთ და კიდევ  
დარჩენილა წმინდა შემოსავალი ორასი ათასი მანეთი.  
ილიას ბანკის მოგებით უდგია დღეს სული ყველა, თბი-  
ლისის თავადაზნაურთა საზოგადო დაწესებულებათ.

დრო და ადგილი ნებას არ მაძლევს აქ ილიას ნა-  
წერებზე ვილაპარაკო და ამით ვათავებ ამ ჩემს მოგონე-  
ბას პოეტის ცხოვრებიდამ, თუმცა სამახსოვრო წიგნში  
ჯერ კიდევ არ გამომლევია მასალა ილიას შესახებ.

\* \* \*

დასასრულ ორი-სამი სიტყვა ილიას საგურამოში  
ცხოვრებიდამ:

ილია ყოველ ზაფხულს ამოდიოდა საგურამოს, და-  
სასვენებლად. აქ ქონდა იმას ერთი, პატარა, ქვის სახლი,  
რომელიც გადაყურებდა არაგვის ხეობას. სახლის წინა  
ბალკონიდამ მგოსანს თვალწინ ედგა მშვენიერი—პანო-  
რამა კავკასიის მთებისა და ქვემოთ არაგვის ხეობისა:

ილია აქ ისვენებდა ქალაქის საქმეთაგან დამაშვრალი. ყოველ 20 ივლისს, მის დღეობაზე აქ მოდიოდა მასთან მოსალოცავად დიდ-ძალი ხალხი ქალაქიდამ და ხანდახან იმერეთიდამაც.

აქ, საგურამოში უახლოვდებოდა ილია ხალხის ცხოვრებას და ენას.

ყოველს შეყრაზე და გამოლაპარაკებაზე სოფლის ხალხთან ილიას, როგორც ფუტკარს, საზრდო გამოქონდა ხალხიდამ თავის სიტყვიერებისათვის.

დღეს ამა და ამ გლეხმა ლაპარაკში ესა და ეს ჩემთვის უცნობი სიტყვა სთქვაო, იტყოდა მგოსანი. ერთ ამგვარ სიტყვად მახსოვს იყო სიტყვა პეიტარი. პაზრით გამოდიოდა, რომ პეიტარი კაცის წოდება უნდა ყოფილიყო და რომ ჩავიხედეთ ლექსიკონში, აღმოჩნდა რომ პეიტარი საქონლის ექიმს რემევია.

ხალხი იყო ილიასთვის წყარო მოკამკამე ენისა და ვამოთქმის.

## სამახსოვრო შიგნიდან.

როგორც ამ წიგნაკში ვნანეთ, ი. მეუნარგია თავისთავს „ქართულის მწერლობის მეწვრილმანეს“ უწოდებს და „სამახსოვრო უბის წიგნაკებს“ დაატარებს, რომ მის ფურცლებზე ამათუიმ მწერლის ცხოვრებიდან, შეხვედრებიდან ან საუბრებიდან მნიშვნელოვანი მომენტები მოხაზოს.

მისი აზრით, ასეთი მნიშვნელოვანი მომენტებია მწერლის ცხოვრებაში მისი მოსწრებული სიტყვები, ან, როგორც თვითონ მეუნარგია უწოდებს, „ნაკვესები“.

სიტყვა „ნაკვესი“, როგორც თვითონ მეუნარგია გვაცნობს. (ამავე შრომაში), ილიას მიერ არის გამოგონილი. როდესაც ილია გაზეთ „ივერიის“ გამოცემას შესდგომია, ერთერთ თანამშრომლადი. მეუნარგიაც შიუწვევია, რომელიც, სწვათა შორის, თავისი შეკრებილი ისტორიულ და სამწერლო ნაკვესებს „ლ ე ლ ლ ს“ ფსევდონიმით ბეჭდავთა.

თუ როგორ აფასებდა ამ „ნაკვესებს“ ილია, ამის შესახებ თვით ილიას პირადი ბარათი. (მეუნარგიასადმი მიწერილი 1885 წ.) მოგვითხრობს, რომელიც ამ წიგნშივე მოყვანილი.

ჩვენ კი ვცდილობთ დავუმატოთ აქვე ზოგიერთი რამ, ნაკვესები იქნება ის თუ სხვა სახის ცნობა იმავე სამახსოვრო წიგნაკიდან, ილიას შესახებ. ჯერ გამოუქვეყნებელი და უცნობი.

თ ე ხ ე ნ ი:



1884 წ.

გუშინ საადგილმამულო ბანქში კრება იყო ქართული თეატრის შესახებ. ბევრი გრძლად და ცხარედ ლაპარაკობდა რავიცი რას, უმეტესობა კი სდუმდა.

ილიამ გადახედა ჩაფიქრებულად და მდუმარედ მსხდომარეთ  
და უთხრა თავის მეზობელს:

Господа, вот где сила!..

\* \* \*

1887 წელს თელავში გარდაიცვალა მოლექსე იოსებ დავითა-  
შვილი, რომლის პანაშვილზე თბილისში, აკაკიმ სიტყვა წარმოსთქვა.

— აკაკის სიტყვა დავითაშვილის დასაფლავებაზე ისეთი ხა-  
მტრია, რომელიც ვისაც გინდა იქ მყოფს დაედგომოდაო სთქვა ილიამ,  
რომელსაც აკაკის სიტყვა არ მოსწონებოდა თურმე.

\* \* \*

1891 წ.

ვანო მაჩაბელმა მიამბო:

ამას წინათ ილია დაბრუნდა რუსეთიდამ. ბანკში რომ შემო-  
ვიდა, შემოვეხვიერით და ველაპარაკეთ. საჭმის გარემოება, რომ გვიამ-  
ბო, ანტონ ფურცელაძემ ჰქითხა ილიას:

— სხვა, რა ამბავია რუსეთში?

— რა უნდა იყოს, უპასუხა ილიამ, რუსეთში აშშიც არ  
არსებობს, რუსთი მომავლით ცხოვრობს.

— არა — თუ?

— ჰო, დედა არ წამიშყდეს, დაასაბუთა ილიამ, რომელიც  
მუდამ დედის სულს ფიცავდა.

\* \* \*

ვე აპრილი 1901 წ.

დღეს სადილად ვიყავით მიწვევულნი იაკობ გოგებაშვილთან.  
სადილზე იყვნენ: ილია ჭავჭავაძე, ანტ. ფურცელაძე, ვახტანგ თუ-  
ლავი, ნიკო ცხვრაძე, პეტრე უმიჯაშვილი და მე (მეუნარგია, ს. ც.).

სადილის წინ, სანამ მასპინძელი სადილის თადარიგისათვის სხვა ოთახებში დადიოდა, ილია ზალაში თვალი მოჰკრა ერთს წიგნს «Ревматизм и подагра» Паленштехера.

— ვა ჩვენი ბრალი, ახლა ამას წაიკითხავს იაკობი და ამ აკადმუოფობას გაიჩენსო, სთქვა ი ლ ი ა მ.

\* \* \*

ერთსა და ერთს სააღილმამულო ბანკის საზოგადო კრებაზე არტილერიის გენერალმა თავ. ხიმშიევმა ილაპარაკა ილიას წინა-ალმდეკ. სხვათა შორის იმან სთქვა:

— Со стороны кн. Чавчавадзе это является давлением на общее собрание.

ილიამ უპასუხა:

— Я бы желал знать, о каком это давлении изволит говорить кн. Химшиев. Если он говорит о давлении логики, это да будет мое, позвольте мне сказать ему, что против такого давления никакая тяжелая артиллерия не могла-бы ничего сделать.

\* \* \*

ზალიკო ჭავჭავაძემ დეპეშა მოსწერა ილიას,—სად არის ჩემი ძმა იასე, შემატყობინეო.

ილიამ ბასერად მისწერა:

— Сначала уплатите за ответ.

\* \* \*

ექვთიმე წელაძე: ბატონო ილია, შეარიგეთ ანტონ ფურცელაძე და ნიკო დიასამრძე.

ი ლ ი ა: მე რა ვარ?...

წელაძე: საქართველოს მამა ხარ..

ი ლ ი ა: მე საკუთარი შიგლი ვუ გამიყეობია და საქართველოს მამობა როგორ უნდა გავუწიო?

\* \* \*

24 აგვისტო 1888 წ.

საგურამოში ვიყავი ილიასთან. ჩემს ლთახში სტოლქვეშ ჰამა-კო ვიპოვე, გავიტანე გარეთ, კაკლის ტოტებში გავაბი და გავშექი.

ილი, კაკლის ქვეშ იყო წამოწოლილი და „ილიადას“ კითხულობდა; მე: ვიშ, სწორედ ინგლისელის მოგონილია ეს ჰამაკი. ილია: არა, ამერიკელის. მე: ამერიკა და ანგლია ვის გაუყვითა? ილია: ოკეანეს.

\* \* \*

ერთხელ ილიასა ჰქითხეს: რატომ არის, რომ აკაკი სულ შენ-ზე ძვირს ლაპარაკობს და შემ კი მას მუდამ აქებოს — ორივე ვცდებითო — ჩაილაპარაკა დინჯად მგოსანმა.

\* \* \*

ილიამ თქვა:

„ვეფხის-ტყაოსანი“ ზღვა არის, ყველას ეყოფა შისი სიმდიდრე რომ ისწავლიდნენ.

დიდი ფსიხოლოგიური შომენტია: — პირველად რომ დაიბარა ნესტან-დარეჯანმა ტარიელი, მარტო შეხვდა და დაითხოვა, ვერ ელაპარაკა...“

ავთანდილს თავისი სიყვარული დათრგუნვილი აქვს, რაც თანი, მაგრამ ძილში მაინც წამოაძახებს...

\* \* \*

ბარემ ესეც დავუმატოთ, უფრო მეუნარგია მაგრამ მაინც ილიაზეა ლაპარაკი და იმავე ბოხჩიდანა ამოღებული, საიდანაც ზემომოყვანილი სტრიქონები:

## 22 ივლისი, 1888 წ.

გუშინ საგურამოდან დაგბრუნდი. იმერქლი კაცისათვის ქართლის ცხოვრებაში სუყველაფერი საინტერესოა, მე პირველად გუშინ გავიგონე ქართლელი კაცის დაძახების კილო. თითონ ილიამ დაუძახა ბალკონიდამ ბიჭს:

— თევედოო, აააარ თევდო!

ლეჩხუმელი რომ ყოფილიყო, ასე დაუძახებდა:

— თევეედოოოო-თედო!

მეგრელი:

— ვოთ თედო უუი.

გურული:

— თედო უი!

\* \* \*

რვეულის ერთ კიდეზე ი. მეუნარგიას ასე მიუწერია:

„აკაკის ილია არ მოსწონდა ისე, როგორც: მიქელ-ანჯელოს რაფაელი არ მოსწონდა, კორნელის—რასინი, ვიქ-ტორ ჰიუგოს—ლამარტინი, ლამარტინს—ალფრედ მიუსკ, ბეტქოვენს—რასინი...“

\* \* \*

ილია ჭავჭავაძე ულმობელი გუშაგია თავისი ენისა. იგი ტრფიალია ქართულის ენისა. იმას უნდა ქართულმა ენამ სამარა-დისოდ შეინახოს თვისი ქართული პირისსახე, თავის არსებაშივე იპოვოს სურათი განძლიერებისა და განვითარებისა..

\* \* \*

...აკაკი სულ მუ-დამ თავისულებლი ქაცი იყო, იშთა-იშთა მღე რალი, მწერალი, მოლაპარაკე, მოსიარულე; ერთად-ერთი თანამდე-ბობა, რომელიც იმას ქონია მის სიცოცხლეში ქართული ტრუპის რეჟისორობა იყო, მაგრამ გამჩერას იმდენ ხანს არ შერჩენია მინდ-სტრობა რამდენადაც იმას რეჟისორობა. ამასთან... „იტყოდეს ენა ჩემი კადინერად ანუ მივსცნე მე იმას ქებანი სიცოცხისანი“... აკაკის სულ მუღამ ჩანგი არ უჭირავს ხელში და სამშობლოსა და ერს არ უმღერის, ხანდახან და ხანდახანზე უფრო ხშირად იმას, როგორც ილიას (ხაზი ჩვენია—ს. ც.)—რამეთუ ქაცნი ვართ, სათამა მო ქა-ლალდიც უჭირავს ხელში“...\*

---

\* , ამოღებულია ი. მეუნარგიას მოგონებიდან აკაკის შესახებ. მოგვყავს როგორც ილიას პირადი ცხოვრებიდან ერთი მომენტის აღმნიშვნელი მასალა.

## ილიას ფერილი ი. მეუნარგიასადგი

საყვარელო ძმაო იონავ, შენი წერილი მივიღე და ვწუბვარ რომ ვერაფერს სანუგეშოს ვერ მოგწერ. აი საქმე რაშია: ჩვენ ყოველს გასასესხს ვაზავნით დასატრკიცებლად სამინისტროში, რომელსაც უნდა ვაჩვენოთ რამოდენა შემოსავალი აქვს მამულს; ეს შემოსავალი ერთი  $12\frac{1}{2}$ -დ უნდა აიღო და ის იქნება ფასი მამულისა. ამ ფასისა  $60\%$ -ამდე შეგვიძლიან სესხად მივცეთ. რუსულად მოგწერ, რომ უფრო კარგად გაგავებინო: Чистый годовой доход помножается на  $12\frac{1}{2}$ , и произведение определяет стоимость имения. С этой стоимости выдается  $60\%$ .

პრინცესას\* მამულს შემოსავალი აქვს, შენ იწერები, 4000 მანეთი, აქედამ კანონით უნდა გამოვიდეთ  $20\%$  სხვადასხვა ზარჯისათვის, დაოჩება 3200 მანეთი. ეს 3200 მანეთი უნდა ავიღოთ  $12\frac{1}{2}$ -ჯერ და გამოვა 40.000 მანეთი მთელი ფასი მამულისა. აქედამ  $60\%$  შეიქმს 24.000 მანეთსა. ჩვენ ზოგიერთის მოსაზრებით ამაზე მეტი დაუნიშნეთ, სახელდობრ, 28.500 მანეთი და ამასაც ვშიშობთ, —ვაი თუ სამინისტროა არ დაამტკიცოს. ბევრიც რომ მოვინდომოთ, ზემოხსენებულ ანგარიშს ვერ წაუვალთ და ვერც ვერაფერი გავხდებით რა კი შემოსავალი 4000 მანეთზე მეტი არარის, სამწუხაროდ ჩემდა, შენს წერილზე ამაზე უკეთესს და მეტს პასუხს ვერ მოგახსენებ. როც; არ შეიძლება, იმას ჩვენი გამგეობა ვერ იქმს.\*\*

შენი ერთგული ილია ჭავჭავაძე.

## ი. მეუნარგიას სიტყვა — ილიას დასაცლავებაზე

დაუვიწყარო მამულისშვილო ილიავ! შენი ჭირისუფალი განა მარტო ეს, აქ მოზღვავებული საზოგადოებაა, რომელიც სამი დღეა შენს ცხედარს გარს ახვევია?

არა, შენი ჭირ-სუფალი მთელი შენი სატრფო ქვეყანაა, სამშობლო — კახეთიდამ დაწყებული შავ-ზღვამდის. ამ ქვეყანაში ყველას უაქმნია შენი ნაწერების სიტკბოება და ყველა სასოებით და სიამაყით იწსენიებს შენს სახელს; ოჯახი სად დარჩა ამ ქვეყანაში, საცა ბავშვს შენი „აყვავებულა მდელო“ არ ეკითხოს და მოზრდილს „მკრთალი ნათელი“ და „ჩემო კაოგო ქვეყანავ“ არ ემღეროს?

\* ლაპარაკია სალომე დავ. დაღიანის ასულ შიურატზე — ს. ც.

\*\* წერილი უთაოიდოა.

შენის ქმნილებით დამტკბარმა, შენის მოკვლით გულჩამწარე-  
ბულმა, საქართველოს შორეულმა ქალაქმა ფოთმა დაფნითა და ყვა-  
ვილით შეამცირ ცხედარი შენი და უკანასკნელი სალამი გიძლვნა შენ,  
დაუვიწყარო ილიავ, შენ, რომლის მარჯვენისა ქმნილებამ აღზარდა  
რაზმი საქართველოს მოზარდთა თაობათა და მწერალთა, შენ, რო-  
მელმაც „კაცია-ადამიანი“ სთქვი, „გლახის ნაპბობი“ გვიამბე, თავ-  
დადებული შეგვაყვარე და „ნაოჭის მსგავსად შეკრული“ შუბლი გან-  
დეგილისა დაგვიხატე ხელოვნურად.

შენ, რომ ფეხი შემოდგი მწერლობაში, სთქვი, „მამულო სა-  
ყვარელო, შენ როსლა აყვავდებიო“ და მთელი შენი სიცოცხლე ამ  
მამულის აყვაჯებას ამსახურე და მამულის შვილების გულში აღაგზნე  
ყოველგვარი კეთილი აზრი და გრძნობა.

დღეს ყოველი ქართველი, თვით შენი მტერიც, შენი შეგირ-  
დია. ნეტავ გაგაგონა ის ძლიერი ღალადი ჩვენის მწერლობისა, რო-  
მელიც შენმა მკვლელობამ ასტეხა, რომ დამტკბარიყავ იმ აზრით,  
რომ სამწერლო მემკვიდრეობა შენგან დატოვებული არც ისე მჩა-  
ტეა, როგორც მტერსა ჰყონია.

შენ არ გეასწავლე ქართული ენა? შენ არ შექმენ უკანასკნე-  
ლად „სულთა სწრაფვა“, „თვალთახედვის ისარი?“ შენ შეგვაყვარე მა-  
მული და გვაჩვენე, როგორ უნდა სამშობლოს მტერთან ბრძოლა-  
„დიდ მუხასთან პატარა ია, რომ ყვაოდეს, ვის რა უნდაო“, გააგონე  
შენს მამულის მტრებს; სამეგრელოს ჩამოშორება, რომ მოინდომეს  
საქართველოდამ, შენ სამეგრელოში მოდი, იქაურობა ნაწე და სთქვი:  
„სამეგრელოში მოვედი და საქართველო ვნახეო“ და მედგრად გა-  
მოესარჩდე დაჩაგრულ სამეგრელოს.

და აწ შენ დაგვშორდი, დაგვტოვე იმ დროს, როცა თვით მა-  
მულის წმიდათა-წმიდას შეეხო განუსჯელი თაობა და როცა შენს  
წინასწარმეტყველურ სიტყვას შეეძლო ეს თაობა გონის მოეყვანა.

ვინ იცის ეგებ შეიძლებოდეს კაცს კაცობრიობა უყვარდეს.  
მ.მულზე უფრო, მაგრამ მამული რომ არ უყვარდეს კაცს, სამშობ-  
ლოს ენა არა სწამდეს, ამის სმენაც კი ეჩოთირება ჩვენს ყურს, რო-  
მელშიაც შენ 40 წელიწადი სულ ჩაგვძახოდი; ჩიტს თავისი ბუდე  
უყვარს, ნადირს თავისი კლდე და სორო, მთელ განათლებულ ქვე-  
ჭანას თავისი მხარე და ენა და მხოლოდ ჩვენში გამოპტყვრა პირ-  
ველად ეს დაუჯერებელი: „ენა რა არის, მამული რას მიქვიანო“.

ვიმელოვნებ, მოძღვარო, რომ ეს შეცდომა წარმავალია, რომ ჩვენი ძმანი და შვილნი, ვითარცა უძლები შვილნი, დაუბრუნდებიან სამშობლოს და მამული კვალად დარჩება ყველათათვის საუკუნოდ თაყვანსაცემად ისე, როგორც საუკუნო არის იდეალები სომართლისა, სიკეთისა და მშვენიერებისა, რომელთაც შენ მსახურებდი.

მშვიდობით ჩვენო ენის კანონმდებელო, დიდო მამულის-შვილო!

(1907 წ. 9 სექტ. ილიას დასაფლავებაზე წარმოთქმული სიტყვა. იხ. კრებული—„ილიას სიკვდილი და დასაფლავება“ გვერდი 194 — 195).

### ძუთაისი. ილიას საღამო.

27 ოქტომბერს ჩვენი ქალაქის თეატრში გაიმართა სალიტერატურო და სამუსიკო, ილიას საღამო. საღამო შესდგებოდა სამი განყოფილებისაგან: პირველ განყოფილებაში გვირგვინებით და ყვავილებით შემკულ ილიას სურათს გარშემო იდგენ ილიას თხზულებების გმირები და მათ შორის ბ. ბ. ს. თ. წუნდაძე, ი. მეუნარგია, კოლა ერისთავი და ნ. დავითაშვილისა.

ფარდის ახდისთანავე ს. წუნდაძემ მიმართა დიდებული პოეტის სურათს თავის საკუთარი ლექსით, რომელშიაც გატარებული იყო აზრი ილიას სიღიადის და უკვდავების შესახებ. თითქმის ამნაირივე ლექსით მიესალმა კ. ერისთავი. შემდეგ სურათის წინ დააწყვეს გვირგვინები და ფარდაც ჩამოეშვა. ამავე განყოფილებაში, ფარდის მეორედ ახდის შეძლევებ, მშვენიერად წაიკითხა ილიას „ნანა“ ქ. ნ. დავითაშვილისამ. მაგრამ ყველაზე უფრო საყურადლებო ამ განყოფილებაში იყო მეუნარგიას „ნანახი და გაგონილის“, წაკითხვა, ილიას შესახებ.

თავის „ნანახში და გაგონილში“ ბ. იონა მეუნარგიამ გააცნო დამსწრე საზოგადოებას ილიას ცხოვრებიდან სხვადასხვა ეპიზოდები რომლებშიაც ილია იხატებოდა როგორც ადამიანი და როგორც მოქალაქე.

ბ. იონა შეეხო ილიას ახალგაზრდობას და დამსწრეთა გასაოცებლად თავის სიტყვა მან ასე დაამთავრა: „მან ლიბდერალობა აქროს ჯაჭვზე გაცეალაო“, ე. ი. მწერლობას თავი დაანება და სა-

შელმწიფო სამსახურს მიაშურაო. ეს თუმცა ყველამ კარგად იცოდა, მაგრამ ილიას პატივსაცემლად გამართულ საღამოზე ბევრს უადგილოდ ეჩვენა ასეთი აზრის გამოთქმა და საზოგადოებაში ალაგ-ალაგ უკმაყოფილება გაისმა.

კიდევ კარგი, ამიტ რომ დაკმაყოფილებულიყო ბ. იონა. მაგრამ ეს ასე არ მოხდა, მან ბატონშა იონამ, თავიდან დაწყებული ბოლოშდე მოსდგა ილიას და სულ მიწასთან გაასწორა. მოიყვანა სამდენიმე მაგალითი მისი ჯიუტობის დასამტკიცებლად, მოიგონა მისი ხელშორებილობა საჭელმოქმედო საქმიანობისათვის, მაშინ როდესაც ის თითო ლამეში ხშირად ათას-ხუთას მანეთობით აგებდა ბანქოს თაშიშიო: იონას უნდოდა საზოგადოებისათვის დაემტკიცებინა, რომ ილია შესანიშნავი დიალექტიკი იყო და ამის დასასაბუთებლად მოაგონა დამსწრეთ ილიასა და ძმათა მაჩაბელთა შორის ამტყდარი უთანხმოებანი თბილისის სათავად-აზნაურო ბანკის საქმეებში. აქ შენ პირდაპირ განაცხადა, რომ თუმცა ხშირად სიმართლე ივ. მაჩაბლის მხარეზე იყოო, მაგრამ ილიამ თავის შეუბრალებელი დიალექტიკის შემწეობით მაჩაბელი გასჭყლიტა. გვიკვირს რად დასჭირდა მეუნარგიას ასეთი მოგონებების წაკითხვა ილიას პატივსაცემლად გამართულ საღამოზე? როგორც ბ. იონას მოგონებებიდან სჩანს, ილიას პირველ ხანაში ლიბერალობა რეროს ჯაჭვში გაუცვლია, შემდეგ კი 1875 წლიდან პოეტს ბანკირობა დაუწყია. ბ. იონამ ესეც უსაყვედურა დიდებულ პოეტს და სთქვა: „პოეტი და საანგარიშო ჩოთქი როგორ უნდა მოთავსებულიყვნენ ერთათო“!

ბ. იონას აზრით ილია არც პუბლიცისტი ყოფილა მაინც და მაინც დიდებული. ამის დასამტკიცებლად ბ. იონამ დიდხანს ილაპარაკა ილიას მეთაურების შესახებ გაზეთებში და ის აზრი გამოსთქვა, რომ ილია მეტად გაჭიანურებულ მეთაურებს სტამბავდა გაზეთში და ეს კი მოსაწონი არ არისო. თავის აზრი რომ უფრო და-ემტკიცებია მას, საფრანგეთის პუბლიცისტ უორარდენსაც კი შეადარა ილია და დასკვნა, რომ აი როგორი უნდა იყოს პუბლიცისტიო. ერთი სიტყვით, ბ. მეუნარგიამ თავის „ნახულში და გაგონილში“ ილიას თითქმის მარტო უარყოფითი მხარეებს მიაქცია ყურადღება და ამ გარემოებამ დიდი უკმაყოფილება გამოიწვია დამსჭრე საზოგადოებაში. რაც ბ. იონამ წთქვა, სხვა „ვინ მეს-

რომ ეთქვა, მგონია საქართველოში აღარ დაჟენები დანების. (ხაზი ჩვენია — ს. ც.) ბ. იონას კი — არაფერი. ამით დასრულდა პირველი განყოფილება.

მეორე განყოფილებაში ცოცხლად ჩატარეს ბ. შალიგაშვილმა, ქ. ქ. ჯავახიშვილისამ და ქავთარაძისამ სცენა „კაცია ადამიანიდან“ — ლუარსაბასა და დარეჯანს შორის.

მესამე განყოფილებაში მშვენიერი სანახავი იყო აპათეოზია. ილიას სურათის გარშემო ჩვენ ვხედავდით მისი თხზულებების უკვდავ ტიპებს. შუაში, სურათის ქვეშ თეთრად ჩაცმულ მუხას ხელში ლირა ეჭირა. ეს სურათი დასაწყისში კარგ შთაბეჭდილებას ახდენდა, მაგრამ როდესაც ქანდაკებასავით გაქვავებულმა პირებმა დაიწყეს ილიას ლექსების დეკლამაცია, ეს კი რაღაც უხერხულად ეჩვენა საზოგადოებას. მართლაც და რა შთაბეჭდილება უნდა მოეხდინა სურათს. როდესაც გაქვავებული ადამიანები თვალების დაუხამხამებლად კითხულობდნენ გრძნობებით სავსე ლექსებს? მხოლოდ კოლაერისთავმა დაარღვია სურათის უმოძრაობა და თავისებურად, მღელვარებით და აღტაცებით წაიკითხა ლექსი. რაც შეეხება ბ. შალიკავშილს, რომელიც აჩრდილის სახით უნდა გამოცხადებოდა სცენაზე მყოფთ და „აჩრდილიდან“ უნდა წაეკითხა რამდენიმე ადგილი, მან გადააჭარბა და აჩრდილი კი არა, უფრო გაბედული მეომარო გეგონებოდათ.

სალამოს საზოგადოება კარგა ბლომად დაესწრო, თუმცა იმდენი არა, რამდენსაც მოველოდით (ხაზი ჩვენია — ს. ც.). აღსანიშნავია ის გარემოებაც, რომ აქაური სასწავლებლების უფროსებმა ნება არ დართეს უფროს მოსწავლეებს სალამოზე დასწრებოდენ. მგონი ეს ისე ძნელი არ იქნებოდა, რომ მოენდომებიათ სასწავლებლების უფროსებს, რომელთა შორისაც უმეტესობა ქართველები არიან.

### შემთხვევით დაშსწრე.

გაზ. „ალი“ № 3. 5 ნოემბერი, 1908 წ.

## ილიას მეორედ გოქვლის განხრახვა.

ილიას მეორედ მოკვლა მოიწადინეს. მოკვლა არა ფიზიკური, რომლის გამეორება შეუძლებლად გახადეს უსულგულო ნაძირალება, არამედ მოკვლა სულიერი. ეს უკანასკნელი მკვლელობა, რასა-კვირველია, უფრო მძიმეა, ვიდრე პირველი. ფიზიკურმა მკვლელობამ შეიძლება ხელი შეუწყოს სულიერს უკვდავებას, სულიერი მკვლე-ლობა კი მეტ ნაკლებობით ამართლებს ფიზიკურ მკვლელობასა. ფი-ზიკურმა მკვლელობამ პოეტისამ შეიძლება მისი ქმნილებანი და მათი სარგებლობა უფრო კარგად შეაგნებინოს საზოგადოებას, ამ ქმნილებათა შეგინება კი გულს უცრუებს მათხე საზოგადოებას და დიდს ვნებას აყვნებს მას.

ვინ მოიწადინა ეს მეორე მკვლელობა ილიასი? ბატონმა იონა მეუნარგიამ. სად მოიწადინა? სალიტერატურო საღამოზე, რომელიც გამართული იყო ილიას დაბადების დღეს ქუთაისში მის სახსოვ-რად, სადიდებლად. რა სთქვა? თქვენ ადიდებთ და აღმერთებთ ილიას; მაგრამ მე, რომელიც ახლო ვიდევი განსვენებულთან, სხვა აზრისა ვარო და მოგონების სახით მან თურმე დაუგროვა დამსწრე საზოგადოებას ვეებერთელა ზეინი ჭორებისა, საიდანაც გამოდიოდა, რომ ილია ყოფილა: ძუნში, გულქვავი, ზარმაცი, ბანქოში მფლან-გავი თავისი ჭონებისა, სოფისტი, ეგოისტი, გამჭყლეტელი მართალი ადამიანისა და თითქმის უნიჭო პუბლიცისტი. „ილია მიწასთან გა-ასწორაო“, გულისწყრომით სწერს კორესპონდენტი თვით გაზე-თი „ა ლ ი ს ა“ (ხაზი ჩვენია — ს. ც.)

დაუკითხოთ გარემოებათა, ამსუბუქებენ მეუნარგიას „სულ-მალლობას“, თუ უფრო ამძიშებენ?..

ჯერ მას არ გაუცვეთნია ის წალები, რომლითაც იგი ილიას დასაფლავებას დაესწრო, როდესაც იგი თავის სიტყვაში წყველა-კრულვას უგზავნიდა ჩვენი დიდების მხეც მკვლელებს, და დღეს კი მას თითქმის ტალახში სვრის.

894.63.09

з 601

Иона Моунаргиа  
ИЛЬЯ ЧАВЧАВАДЗЕ